

臨證指南醫案(十一)

序

華典余家世為姻婭華君岫
雲精通岐黃術常存利濟救
人之心孜孜不倦向慕吳門葉天
士先生為嘗世世留心覓其
醫案約計盈萬分門選刻共
成十卷名曰臨證指南已遍行
海宇矣壬申歲又將其續補醫

素溫熱論與平生所集各種經
驗竒方付刊以備救急其願甚
誠忽於癸秋謝世其方止刻十之
二三半塗而廢見者咸為惋惜
華君好友岳尹廷璋不忍膜視
力勸徽蘇義商程葉兩君子
授梓完璧以公同志一日漢川
程君來蜀出此編丐余作序予

素不知醫且當公務紛拏軍
書旁午竟不暇及第展閱一過
了然心目洵為青囊家不可缺
一之書只盧扁復起亦不能舍
是而別開空冥倘於鄉陬僻壤
疴患奇難一時罕有良醫調劑
備此查攷對疴用藥立能起死
回生功報匪淺慎勿以此編易

簡而忽諸

乾隆四十年冬小春月

賜進士出身

欽命四川按察使司按察司加三
級凝臺杜玉林撰并書



種福堂續選臨證指南總目

及門諸子同較刊

卷一

溫熱論

續醫案

卷二

中風

補益

勞

盜汗

咳嗽

吐

赤白濁

蟲

痞塊

膈

便閉

風寒濕痺

針灸

黃疸

河白

中暑霍亂

消渴

瘟疫

痧

癩瘰

瘡

泄瀉

痢

脫肛

痔漏

腸風

溺血

卷三

疝氣

心口胃脘痛

呃逆

欬逆

耳

目

鼻

口

舌

牙

咽喉

癰疽

疔

癩瘡結毒

下疳

中毒

諸瘡

諸丹毒

無名腫毒

卷四

跌打損傷

圍藥

提藥

降藥

代針點頭

長肉收口

麻藥

癰癭

諸風

疥癬

雀斑

疥瘡

小兒門

初生

雪口

臍風

稀痘方

痧痘

急慢驚風

疝積

婦人門

胎前

產後

經帶

血崩漏

乳疾

雜症

種福堂公選溫熱論醫案卷一

葉桂 天士先生論 錫山華南田岫雲較

溫熱論

邪從口鼻而入故曰上受但春溫冬時伏寒藏於少陰遇春時溫氣而發非必上受之邪也則此所論溫邪乃

溫邪上受首先犯肺逆傳心胞。肺主氣屬衛。心主血屬營。辨營衛氣血雖與傷寒同。若論治法則與傷寒大異。蓋傷寒之邪留戀在表。然後化熱入裡。溫邪則熱變最速。未傳心胞。邪尚在肺。肺主氣。其合皮毛。故云在表。在表初用辛涼輕劑。挾風則加入薄荷牛蒡之屬。挾濕加蘆根滑石之流。或透濕於熱外。或滲濕於熱下。不與熱相搏。勢必孤矣。不爾風挾溫熱而燥生。清竅必乾。謂水主之氣不能上榮。

是溫風
濕溫之
發於春
末夏初
者也

兩陽相劫也。濕與溫合。蒸鬱而蒙痺於上。清竅為之壅塞。濁邪害清也。其病有類傷寒。其驗之之法。傷寒多有變症。溫熱雖久。在一經不移。以此為辨。

前言辛涼散風。甘淡驅濕。若病仍不解。是漸欲入營也。營分受熱。則血液受劫。心神不安。夜甚無寐。或斑點隱隱。即撤去氣藥。如從風熱陷入者。用犀角竹葉之屬。如從濕熱陷入者。犀角花露之品。參入涼血清熱方中。若加煩躁大便不通。金汁亦可加入。老年或平素有寒者。以人中黃代之。急急透斑為要。若斑出熱不解者。胃津亡也。主以甘寒。重則如玉女煎。輕則如梨皮蔗漿之類。或其人腎水素虧。

雖未及下焦。先自徬徨矣。必驗之於舌。如甘寒之中。加入
鹹寒。務在先安。未受邪之地。恐其陷入易耳。若其邪始
終在氣。分流連者。可冀其戰汗透邪。法宜益胃。令水與汗
併熱。達腠。開邪從汗出。解後胃氣空虛。當膚冷一晝夜。待
氣還。自溫暖如常矣。蓋戰汗而解。邪退正虛。陽從寒泄。故
漸膚冷。未必卽成脫症。此時宜令病者安舒靜臥。以養陽
氣來復。旁人切勿驚惶。頻頻呼喚。擾其元神。使其煩躁。但
診其脈。若虛軟和緩。雖倦臥不語。汗出膚冷。却非脫症。若
脈急疾。躁擾不臥。膚冷汗出。便爲氣脫之症矣。更有邪盛
正虛。不能一戰而解。停一二日。再戰汗而愈者。不可不知。

辛涼開
肺便是
汗劑非
如傷寒
之用麻
桂辛溫
也

再論氣病。有不傳血分。而邪留三焦。亦如傷寒中少陽病也。彼則和解表裡之半。此則分消上下之勢。隨症變法。如近時杏朴苓等類。或如溫胆湯之走泄。因其仍在氣分。猶可望其戰汗之門戶。轉瘧之機括。大凡看法。衛之後方言氣。營之後方言血。在衛汗之可也。到氣纔可清氣。入營猶可透熱。轉氣如犀角。玄參。羚羊等物。入血就恐耗血動血。直須涼血散血。如生地。丹皮。阿膠。赤芍等物。否則前後不循緩急之法。慮其動手便錯。反至慌張矣。且吾吳濕邪害人最廣。如面色白者。須要顧其陽氣。濕勝則陽微也。法應清涼。然到十分之六七。卽不可過於寒涼。恐成功反棄。何

以故耶。濕熱一去。陽亦衰微也。面色蒼者。須要顧其津液。清涼到十分之六七。往往熱減身寒者。不可就云虛寒而投補劑。恐爐烟雖熄。灰中有火也。須細察精詳。方少少與之。慎不可直率而往也。又有酒客裡濕。素盛外邪入裡。裡濕爲合。在陽旺之軀。胃濕恒多。在陰盛之體。脾濕亦不少。然其化熱則一。熱病救陰則易。通陽最難。救陰不在血。而在津。與汗通。陽不在溫。而在利小便。然較之雜症。則有不
同也。

再論三焦。不得從外解。必致成裡結。裡結於何。在陽明胃與腸也。亦須用下法。不可以氣血之分。就不可下也。但傷

寒熱邪在裡。劫燂津液。下之宜猛。此多濕邪內搏。下之宜輕。傷寒大便溏。爲邪已盡。不可再下。濕溫病大便溏。爲邪未盡。必大便硬。慎不可再攻也。以屎燥爲無濕矣。再人之體。腕在腹上。其地位處於中。按之痛。或自痛。或痞脹。當用苦泄。以其入腹近也。必驗之於舌。或黃或濁。可與小陷胸湯。或瀉心湯。隨症治之。或白不燥。或黃白相兼。或灰白不渴。慎不可亂投苦泄。其中有外邪未解。裡先結者。或邪鬱未伸。或素屬中冷者。雖有腕中痞痛。宜從開泄。宣通氣滯。以達歸於肺。如近俗之杏蔻橘桔等。是輕苦微辛。具流動之品可耳。

再前云舌黃或濁。須要有地之黃。若光滑者。乃無形濕熱。中已虛象。大忌前法。其臍以上爲大腹。或滿或脹。或痛。此必邪已入裡矣。表症必無。或十之存一。亦要驗之於舌。或黃甚。或如沉香色。或如灰黃色。或老黃色。或中有斷紋。皆當下之。如小承氣湯。用栝榔。青皮。枳實。玄明粉。生首烏等。若未現此等舌。不宜用此等法。恐其中有濕聚。太陰爲滿。或寒濕錯雜爲痛。或氣壅爲脹。又當以別法治之。再黃胎不甚厚而滑者。熱未傷津。猶可清熱透表。若雖薄而乾者。邪雖去而津受傷也。苦重之藥當禁。宜甘寒輕劑可也。

再論其熱傳營。舌色必絳。絳深紅色也。初傳絳色中兼黃白色。此氣分之邪未盡也。泄瀉透營兩和可也。純絳鮮澤者。胞絡受病也。宜犀角鮮生地連翹鬱金石菖蒲等。延之數日。或平素心虛有痰。外熱一陷。裡絡就閉。非菖蒲鬱金等所能開。須用牛黃丸。至寶丹之類。以開其閉。恐其昏厥爲瘥也。

再色絳而舌中心乾者。乃心胃火燔。劫燥津液。卽黃連石膏膏亦可加入。若煩渴煩熱。舌心乾四邊色紅。中心或黃或白者。此非血分也。乃上焦氣熱燥津。急用涼膈散。散其無形之熱。再看其後轉變可也。慎勿用血藥。以滋膩難散。至

舌絳望之若乾。手捫之原有津液。此津虧濕熱薰蒸。將成濁痰。蒙閉心胞也。

再有熱傳營血。其人素有瘀傷宿血在胸膈中。挾熱而搏。其舌色必紫而暗。捫之濕。當加入散血之品。如琥珀丹參。桃仁丹皮等。不爾。瘀血與熱爲伍。阻遏正氣。遂變如狂。發狂之症。若紫而腫大者。乃酒毒衝心。若紫而乾晦者。腎肝色泛也。難治。舌色絳而上有粘膩。似苔非苔者。中挾穢濁之氣。急加芳香逐之。舌絳欲伸出口而抵齒。難驟伸者。痰阻舌根。有內風也。舌絳而光亮。胃陰亡也。急用甘涼濡潤之品。若舌絳而乾燥者。火邪劫營。涼血清火爲要。舌絳而

論舌胎

有碎點白黃者。當生疳也。大紅點者。熱毒乘心也。用黃連金汁。其有雖絳而不鮮。乾枯而痿者。此腎陰涸急。以阿膠雞子黃地黃天冬等救之。緩則恐涸極而無救也。其有舌獨中心絳乾者。此胃熱。心營受灼也。當於清胃方中。加入清心之品。否則延及於尖。爲津乾火盛也。舌尖絳獨乾。此心火上炎。用導赤散瀉其腑。再舌胎白厚而乾燥者。此胃燥氣傷也。滋腎藥中加甘草。令甘守津還之意。舌白而薄者。外感風寒也。當疎散之。若白乾薄者。肺津傷也。加麥冬花露蘆根汁等輕清之品。爲上者上之也。若白苔絳底者。濕遏熱伏也。當先泄濕透熱。

防其就乾也。勿憂之。再從裡透於外。則變潤矣。初病舌就乾。神不昏者。急養正。微加透邪之藥。若神已昏。此內陷矣。不可救藥。又不拘何色。舌上生芒刺者。皆是上焦熱極也。當用青布拭。令薄荷水揩之。卽去者輕。旋卽生者險矣。舌苔不燥。自覺悶極者。屬脾濕盛也。或有傷痕血跡者。必問曾經搔挖否。不可以有血而便爲枯症。仍從濕治可也。再有神情清爽。舌脹大不能出口者。此脾濕胃熱鬱極化風而毒延口也。用大黃磨入當用劑內。則舌脹自消矣。再舌上白苔粘膩。吐出濁厚涎沫者。口必甜味也。爲脾痺病。乃濕熱氣聚。與穀氣相搏。土有餘也。盈滿則上泛。當用

舌有烟
煤

論舌黑

醒頭草。芳香辛散以逐之。則退。若舌上苔如碱者。胃中宿滯。挾濁穢鬱伏。當急急開泄。否則閉結中焦。不能從募原達出矣。

若舌無苔而有如烟煤隱隱者。不渴肢寒。知挾陰病。如口渴煩熱。平時胃燥舌也。不可攻之。若燥者甘寒益胃。若潤者甘溫扶中。此何故。外露而裡無也。

若舌黑而滑者。水來尅火為陰症。當溫之。若見短縮。此腎氣竭也。為難治。欲救之。加人參五味子。勉希萬一。舌黑而乾者。津枯火熾。急急瀉南補北。若燥而中心厚痞者。土燥水竭。急以鹹苦下之。

論舌淡
紅無色

論舌白
如粉

舌淡紅無色者。或乾而色不榮者。當是胃津傷而氣無化液也。當用炙甘草湯。不可用寒涼藥。

若舌白如粉而滑。四邊色紫絳者。溫疫病初入募原。未歸胃腑。急急透解。莫待傳陷而入。爲險惡之病。且見此舌者。病必見凶。須要小心。凡癍疹初見。須用紙燃照。看胸背兩脇。點大而在皮膚之上者。爲斑。或雲頭隱隱。或瑣碎小粒者。爲疹。又宜見而不宜見多。按方書謂斑色紅者屬胃熱。紫者熱極。黑者胃爛。然亦必看外症所合。方可斷之。然而春夏之間。濕病俱發。疹爲甚。且其色要辨。如淡紅色。四肢清口不甚渴。脈不洪數。非虛斑。卽陰斑。或胸微見數點。面

赤足冷。或下利清穀。此陰盛格陽於上而見。當溫之。若斑色紫。小點者。心包熱也。點大而紫。胃中熱也。黑斑而光亮者。熱勝毒盛。雖屬不治。若其人氣血充者。或依法治之。尚可救。若黑而晦者。必死。若黑而隱隱。四旁赤色。火鬱內伏。大用清涼透發。間有轉紅。成可救者。若夾斑帶疹。皆是邪之不一。各隨其部而泄。然斑屬血者。恒多。疹屬氣者。不少。斑疹皆是邪氣外露之象。發出宜神情清爽。爲外解裡和之意。如斑疹出而昏者。正不勝邪。內陷爲患。或胃津內涸之故。

論白瘡

再有一種白瘡。小粒如水晶色者。此濕熱傷肺。邪雖出而

論齒

氣液枯也。必得甘藥補之。或未至久延。傷及氣液。乃濕鬱。衛分汗出不徹之故。當理氣分之邪。或白枯如骨者多凶。爲氣液竭也。

再溫熱之病。看舌之後。亦須驗齒。齒爲腎之餘。齦爲胃之絡。熱邪不燥胃津。必耗腎液。且二經之血。皆走其地。病深動血。結瓣於上。陽血者色必紫。紫如乾漆。陰血者色必黃。黃如醬瓣。陽血若見。安胃爲主。陰血若見。救腎爲要。然豆瓣色者多險。若症還不逆者。尙可治。否則難治矣。何以故耶。蓋陰下竭。陽上厥也。

齒若光燥如石者。胃熱甚也。若無汗惡寒。衛偏勝也。辛涼

泄胃透汗爲要。若如枯骨色者。腎液枯也。爲難治。若上半截潤。水不上承。心火炎上也。急急清心救水。俟枯處轉潤爲妥。若咬牙斷齒者。濕熱化風。痙病。但咬牙者。胃熱氣走其絡也。若咬牙而脈症皆衰者。胃虛無穀。以內榮。亦咬牙也。何以故耶。虛則喜實也。舌本不縮而硬。而牙關咬定難開者。此非風痰阻絡。卽欲作痙症。用酸物擦之。卽開。酸走筋。木來泄土故也。

若齒垢如灰糕樣者。胃氣無權。津亡。濕濁用事。多死。而初病齒縫流清血。痛者。胃火衝激也。不痛者。龍火內燔也。齒焦無垢者死。齒焦有垢者。腎熱胃劫也。當微下之。或玉女

論婦女
溫熱病

煎清胃救腎可也。

再婦人病溫與男子同。但多胎前產後。以及經水適來適斷。大凡胎前病。古人皆以四物加減用之。謂護胎爲要。恐來害姪。如熱極用井底泥。藍布浸冷。覆蓋腹上等。皆是保護之意。但亦要看其邪之可解處。用血膩之藥不靈。又當審察。不可認板法。然須步步保護胎元。恐損正邪陷也。至於產後之法。按方書謂慎用苦寒藥。恐傷其已亡之陰也。然亦要辨其邪能從上中解者。稍從症用之。亦無妨也。不過勿犯下焦。且屬虛體。當如虛怯人病邪而治。總之母犯實實虛虛之禁。况產後當血氣沸騰之候。最多空竇。邪勢

必乘虛內陷。虛處受邪。爲難治也。如經水適來適斷。邪將陷血室。少陽傷寒言之詳悉。不必多贅。但數動與正傷寒不同。仲景立小柴胡湯。提出所陷熱邪。參棗扶胃氣。以衝脈隸屬陽明也。此與虛者爲合治。若邪熱陷入。與血相結者。當宗陶氏小柴胡湯。去參棗。加生地。菴仁。查肉。丹皮。或犀角等。若本經血結自甚。必少腹滿痛。輕者刺期門。重者小柴胡湯。去甘藥。加延胡。歸尾。桃仁。挾寒加肉桂心。氣滯者加香附。陳皮。枳殼等。然熱陷血室之症。多有譫語如狂之象。防是陽明胃實。當辨之。血結者。身體必重。非若陽明之輕旋便捷者。何以故耶。陰主重濁。絡脈被阻。側旁氣痺。連

胸背皆拘束不遂。故去邪通絡。正合其病。往往延久。上逆
心胞胸中痛。卽陶氏所謂血結胸也。王海藏出一桂枝紅
花湯。加海蛤。菴仁。原爲表裡上下一齊盡解之理。看此方
大有巧手。故錄出以備學者之用。

不必多費但取動與正傷寒不
此附錄那參者扶胃氣以固本

治若邪熱入血而相凝者
加生地黃白芍與丹皮

以助血行
效意與之既其此六

其味苦甘入土

種福堂公選醫案

葉桂天士先生方

錫山華南田岫雲較

脾胃痺
寒嘔

曹四述去冬因惱怒時食厚味遂致不饑噯氣腕痺食物

不下視舌上佈苔如粉不渴飲大便通調議從太陰脾

陽為寒痰濁氣凝遏辛溫定法

厚朴 草果仁 薑汁

藜蘆撥 益智仁 廣皮白

又前因陽結濁聚舌胎白厚不渴飲用芳香辛溫得效

近日食物不慎水穀氣凝清陽再窒為嘔舌胎猶未淨

便下白膩如凍腑陽亦衰

公丁香柄

華撥

茯苓

生益智仁

厚朴

生乾薑

木乘土
嘔痢

胡

二

疾走作勞。身。前。脇。腹。閃。氣。上。下。串。痛。交。正。月。寒。戰。氣。

衝呼吸皆阻。腹脹臍上橫梗。有形作痛。自痢已兩月。思
勞必傷陽。春令病加。是木旺侮土。中陽困憊。濁氣充塞。
正氣全傷。大肉盡削。述食入逾時。必加嘔噫。後天生化
之源大困。議急理中土之陽。

人參

茯苓

公丁香柄

川椒

烏梅肉

炒黃乾薑

便血督
腎虛寒

潘

二

四

中年脈垂入尺澤。按之緩濡。腰。椎。痠。痛。形。體。卽。欲。偃。

噎膈反
胃陽結

僂旬餘大便必下血。此少壯不慎腎真先奪。督脈不可
固束。議用青囊斑龍丸。

高一七老年逆氣右升。腕阻妨食。涎沫上湧。此屬反胃。夫陽
氣結閉為無形之傷。前藥小效。未幾反覆。以老人生陽
不至耳。

人參 生淡乾薑 炒黑附子 猪胆汁

瘡瘍瘰
癧

沈七十兀坐目注針齒。少陽氣火上升。陽明氣血因熱拂逆。

遂有結癭瘰癧之累。前醫不明解鬱。兩和肝胃之治。致
病日加增。今每日寒熱。心躁若裂。經水較前已少。須慮
熱熾血乾。且納穀大減。難投重劑清寒。

重補
益人
醫案

卷

七

生鱉甲 牡丹皮 川貝母

香附 穀芽 夏枯草花

楊二食入即饑。心空易驚。經水或歇。或至。病起產後。逾年不復。自述多食生冷。據理肝陰久損。不宜驟用溫補。

人參 茯苓 炙草

黃精 龍骨 金箔

滯腹痛氣 顧 腹痛。氣上下行動。即緩。從腑陽治。

人參 生穀芽 茯苓

煨薑 新會皮 砂仁壳

哮喘氣不納 李三哮喘久發。小溲頻利。此腎虛氣不收納。痰飲從氣而

虛痞中陽

上初病本屬外邪。然數年混處邪附臟腑之外廓。散逐焉得中病。宿哮不發時。用腎氣丸三錢。喘哮坐不得臥。議用開太陽之裏。小青龍湯去麻辛。

唐三五病是勞傷陽氣。陽衰不主流行。清濁升降。不得自如。

是為虛痞之結。內經謂勞者溫之。此溫字乃溫養之稱。若吳萸大熱開泄。仍是攻尅。與勞傷原氣相反。

苓桂木甘湯

吐血中陽不運

賈一痰血頻發七八次。形寒妨食。無治痰嗽之理。急扶後

天生氣。望其知味進穀。戊己湯

吐血陰虛陽升

錢八冲年陰精走泄。陽無依倚。血隨氣升。色紫成塊。此血

出於肝絡。法當鎮補。

人參

炒黑棗仁

炒白芍

炙草

青花龍骨

金箔

咽喉溫邪傷陰

姚

述四月患蛾。喉痺必係溫熱犯上。溫不盡解。留邪化

熱。肺津劫燥。喉燥痒嗆。防有氣損熱熾失血之累。甘寒潤劑。不致傷胃。

菘荳殼

麥冬

生甘草

連翹

南花粉

金銀花

蔗漿半杯

又

浮熱上炎。精走泄於下。致陰液陽精不肯上供。望色萎瘦。納食不旺。攝陰恐妨胃口。况初夏曾患喉症。大暑

熱泄。陰難生復。先議水陸二仙丹。攝固精關。

人參

秋石

芡實

金櫻子膏丸

舌營陰
虛

顧三四操持無有不動心神。心陽上引。相火交升。燔灼營液。

舌為心苗。遂起痲癩。病由情志不適。非湯藥直清直降。

可治議天王補心丹。制伏躄陽道路。營液得以升降自。

如然必心境怡悅。方能却病。天王補心丹

濕暑熱

李三四長夏時令溫熱內阻氣分。宗內經濕淫於內。治以淡

滲佐以苦溫。

飛滑石

川通草

淡竹葉

杏仁

厚朴

頭痛肝
腎陽浮

茹三五向來無病。因服地黃丸。反左脇腰中臍旁。氣攻作痛。

間有遺精。目暗虛花。或起浮翳。據述用細辛桂枝翳退。遂加頭痛。此體質陽虛。誤用陰寒膩濁所致。夫肝主疎泄。腎主藏固。肝宜涼。腎宜溫。納腎佐以通肝。溫下仍佐腎陰。以制木火。是為複方。

當歸

小茴

補骨脂

胡桃肉

茯苓

穿山甲

炒黃柏

青鹽

虛勞暑熱傷陰

林

十八色蒼形瘦。稟質陰虛火亢。津液不充。喜冷飲。夏季熱

蒸。須培生氣。順天時以調理。

麥冬

知母

川貝

地骨皮

丹皮

菴荳皮

淋帶陰虛

項二心熱。巔空。交寅卯帶下。向來陰不足。少陽陽動。中虛食減。靜養至秋涼。可望陰充。

人參

柏子仁

丹參

天冬

茯苓

建蓮

龍骨

白薇

癩肝火

曹四笑則癩厥病發。晝少夜多。思二月起病。春木正旺。內應厥陰。肝臟木火。乃陽極之化。其來迅速。由內而升。神明遂亂。口吐涎沫。四肢寒冷。肝病何疑。由春病及長夏。醒則如無。納食如昔。法以純苦直泄厥陰。蹻陽。

蘆薈

青黛

龍胆草

川棟子

黑山梔

白芍

青皮

歸尾

豬胆汁

又前方用純苦直清肝胆。初服即瀉。病久陰分已虛。議理陰和陽。入酸以約束之。

生雞子黃

阿膠

川連

黃柏

生白芍

米醋

吐血中陽虛

徐二胃減。痰血頻發。上年誤服玄參山梔。致便溏瀉。此受

苦滑寒涼之累。人參建中湯

噎膈反胃氣滯血瘀

鄒三五酒客。食管窄隘。向有脘痛。今多食即反胃。氣阻日久。必致痰凝。食物宜淡薄。以上中二焦宜通氣血治。

桃仁

蒲黃

降香末

蘇梗

香附

橘紅

痰陰虛
陽浮

程三六形瘦肌削。稟質偏熱。夏秋病甚。是陰虧不耐暑熱發

泄之氣耳。霜降收肅令行。浮陽潛伏。陰得自守。病覺稍退。述食辛辣熱燥不安。其臟陰五液為陽蒸變痰。非如痰飲可用陽藥溫通者。

人參

萸肉

川石斛

磁石

淡秋石

胡桃肉

女貞子

旱蓮草

吐血氣
分熱

和痰血。上午偏多。氣分熱熾。

金石斛

川貝母

桑葉

南花粉

大沙參

知母

鬱心脾

單七歲為母喪悲泣。淹淹不食。面黃唇淡。情志不適。生陽鬱

室內經謂思為心疾。鬱必傷脾。病屬無形。非傷食惡食之比。穉年調理後天脾胃為要。佐以開益心氣。

人參

茯苓

炙甘草

淮小麥

益智仁

石菖蒲

吐血勞傷氣逆

于

馳騎習武。百脈震動。動則絡逆為痛。血沸出口。納食起居無異。平日非虛損也。凡氣為血帥。氣順血自循經。不必因血用沉降重藥。

枇杷葉

炒蘇子

生苡仁

金石斛

炒桃仁

降香末

噎膈反胃關格

王六四望五年歲。真陽已衰。納食逾二三日。反胃湧吐。仍有

不化之形。痰涎濁水俱出。大便漸秘。此關格大症。陰枯陽結使然。

人參

半夏

茯苓

泡淡吳茱

生淡乾薑

夜另服半硫丸一錢五分

產後下焦陰陽虛

蔣三晨瀉數年。跗腫足冷。長夏土旺初交。知饑痞悶妨食。

述兩三次半產不育。下焦氣撒不固。任督交空。本病當以肝腎奇脈設法。今議先以胃藥。以近日雨後暑濕乘隙侵犯耳。

人參

茯苓

益智仁

砂仁殼

炒扁荳

木瓜

又連年半產不育。痕泄。足跗浮腫。前用養胃和肝。非治本病。因暑濕傷而設。議固下焦之陰。益中宮之陽。

人參

禹糧石

紫石英

五味子

菟絲餅

砂仁

用蒸餅為丸

淋帶陰傷絡熱

邪

暴怒傷肝。白帶下注。繼而間血。人身衝任督帶諸脈。皆麗身半已下。醫用上中二焦。疲藥焉能圖倖。自言月事來而漏帶息。初起必少腹腰痛。此內熱是血絡陰液。損傷耳。性嗜酒。酒力先入肝胆。急當禁止。議固脈以攝下。

炒枸杞

炒黑當歸

白薇

桑螵蛸殼

虛勞陽虛

青花龍骨 生紫石英 煎藥送震靈丹

陸二腰冷膝骨痠。奕淋濁溺後。莖中空痛。少年未婚。此是

勉强勞傷精關。且臥床必要墊實腰腎。虛象大著。交冬病加。問食少胃弱。非地黃膩滯。知柏瀉陽可投。

菟絲子 覆盆子 芡實 沙苑 家韭子

補骨脂 舶茴香 金櫻子 線魚膠丸

遺精勞心損神

王六過用心思。營氣日滴。心悸眩暈。遺精腰膝下部畏冷。

陰陽造偏。心腎交損。議鎮怯。佐以固攝溫納。

桑螵蛸 人參 茯神 青花龍骨

金箔 瑣陽 蜜丸

泄瀉腎陽衰

顏病已半年。夜寐易醒。汗泄。自覺元海震動。腹鳴晨瀉。

年歲望六。不僅經營煩勞傷陽。腎真亦漸散越。仍議固

下一法。

人參

赤石脂

禹餘糧

五味子

泡淡乾薑

調經奇脈陽虛

徐三月事將至。尻骨脊椎痠痛。此督脈循行之位。况經水

之下。必由衝脈。產育頻多。奇脈失固。議治陰中之陽。

麋茸

人參

歸身

炒黑小茴

茯苓

川斛

調經肝胃不和

唐二經來一日。偶食冷物。經水即止。遂痞悶不食。乳旁堅

腫痛脹。此是肝氣鬱結。蓋經水由衝脈而下。衝隸陽明。胃中受冷。而衝脈血凝。理從肝胃同治。

青橘葉

香附汁

漏蘆

蒲公英

厚朴

杏仁

產後
傷神
怯

徐入。產後未經旬。長途驅馳以勞形神。歸值母喪。悲哀哭

泣。傷及情志。述肉潤易驚恐。少寐。產傷陽分起見。肌肉悉熱如焚。乃陰不攝陽。

熟地炭

萸肉

龍骨

扶神

淮小麥

南棗肉

痲寒濕

何十三。述無病時形瘦。病發時形充。古稱入水之物。無物不

長陰寒襲入右肢肉。嚼筋惕而痛。指不屈伸。法當通痺塞。以逐留著。

川烏一兩 金蠟一兩 蜂房五錢 自然銅五錢 麝香五分

炮黑 炙焦 炙焦 炙焦 燬

汪 肺熱。膈消熱灼。迅速如火。臟真之陰日削。先議清肺。

以平氣火。法當苦降以輕。鹹補以重。繼此再商滋養血液。

枯黃芩煎湯 溶入阿膠二錢

孫三 行走閃到。左腿肢筋弛無力。亂藥雜投。五六年不愈。

延及精血內損。不司束筋充骨矣。猶幸年壯。冀其生真。

痿精血損

三消肺熱

續旺藥用平補。然必絕慾戒勞。庶克臻效。

虎潛去瑣陽加菴蓉精羊肉膠丸

痺寒濕

施二陰寒已入陰股。道路深遠。湯藥過胃。其力已薄。邪錮

仍在。議用許學士法。蠲痛丹每服一錢二分。

虛勞勞傷中陽

趙納食不充。肌膚陽傷。背痛陰囊冰冷。經營作勞。則

氣乏。經言勞者溫之。甘溫益氣以養之。歸芪建中湯

肝風下虛不攝

陳五操勞動怒。耳鳴巔脹。暈眩肢麻。內起火風。皆厥陽之

化。中年以後。男子下元先虛。慮其仆中。議填鎮固攝以

實下。合乎上病治下之旨。

熟地 玄武版 靈磁石 五味子

山萸肉 炒杞子 天冬 牛膝

青鹽

鬱木乘

程二 標梅逾期。病由情志鬱傷。庸醫不究病因。朝暮更方。

病延日久。內經謂二陽之病發心脾。蓋思傷心。鬱傷脾。二臟有病。不司統血。笄年莫重於經水通調。今經閉半載。嘔吐清涎。腹痛泄瀉。心熱皮寒。顯是木鬱乘土。胃口漸敗。生氣曷振。病成乾血勞怯。考古通經等丸。難施於胃。德乏穀之體。姑議安胃和肝。俟秋深時再議。

人參 白芍 川棟子 生淡乾薑

川連 烏梅 粗桂枝 炒焦歸身

濕兼風

董二風濕濕上受。痺阻氣分。上則咳嗆不得臥息。下則溺

少便澹。夫肺主一身之氣化。邪壅則升降不得自如。做

經旨濕滯於內。主以淡滲。佐以苦溫為治。

飛滑石

茯苓皮

白薏仁

竹葉

厚朴

杏仁

蘆根

痰氣火不降

陳四煩勞。氣火多升。少降。喉中梗阻。痰出噫氣。凡酒肉皆

助熱。痰凝氣分。上焦痺塞。

枇杷葉

瓜蒌皮

降香末

杜蘇子

黑梔皮

苡仁

虛勞陰虛陽浮

宋二精壯年歲。面色萎浮。氣冲逆。必心悸眩暈。問足跗易

冷間有遺洩。此皆煩勞辦事。心陽過用。暗吸腎陰。下元日虛。虛風挾陽。旋動不息。全是內損之病。治法取質味凝厚以填之。甘酸以緩之。重以鎮怯。補以理虛。方是培本尋源之治。

熟地 四兩

萸肉 二兩

瓊陽 二兩

茯神 四兩

五味 一兩

龜甲心 二兩

秋石 一兩

青龍骨 二兩
生研

金櫻膏 二兩

芡實 四兩

蜜丸

陽痿濕熱

夏三陰筋日宗筋。肝主之。冷則筋縮。熱則弛長。少壯莖痿。

起於長夏。天氣已熱。地中濕蒸。內經病機一十九條。例謂因濕者。大筋與短。小筋弛長。與短為拘。弛長為痿。此

雖統論痿症而言。非指莖痿立論。然理亦相通。今逾年不愈。大暑時令。診得脉象。非下焦陽衰。兩目紅赤。想經營煩冗之勞。陽氣交集於上。與暑熱內迫。加以水穀之濕。濕蘊化熱。而燥筋致痿矣。法當苦以堅陰。燥以勝濕。介以潛陽。濕去熱清。自有愈期。

生虎骨

熟地

蒼朮

黃栢

茯苓

龜版

石決明

天冬

虛勞腎虛不攝

鍾四五未及五旬。肉消食減。此未老已衰。身動喘急。足附至

晚必腫。皆是腎真不司收攝納氣。根本先撥。草木微功。難以恢復。

坎炁 人乳粉 五味子 胡桃肉

蜜丸人參湯送下

吐血勞傷心袖

王三

煩勞曲運神思。形與神交傷。陽氣旋動。絡血何以寧。靜甘以緩熱。補可益虛。必佐寧神鎮怯。以攝之固之。

人參 栝子霜 炒枸杞 焦歸身 桂圓肉

炙甘草 龍骨肉 茯神 金箔

脇痛絡熱滄血

單

因閃挫脇痛。久則滄血。絡血氣熱內迫。新血瘀逆。

鮮生地 藕節 生桃仁 新絳

暑熱

宋

暑熱入營。舌絳煩渴。形脉皆不足。怕邪陷神昏。

犀角尖 南花粉 連翹心 益元散

淡竹葉 細葉苧蒲汁

虛勞陰虛

程二 男子思念未遂陰火內燔五液日奪孤陽升騰薰蒸

上竅已失交泰之義此非外來之症凡陰精殘憊務在

胃旺納穀生陰今咽喉鼻耳諸竅久遭陰火之迫寒涼

清解僅調六氣中之火而臟真陰火乃閃電迅速莫遏

清寒必不却病良由精血內空草木藥餌不能生精充

液耳

細生地 清阿膠 猪脊筋 天冬 川石斛

痰飲中陽虛

姜二 久患胸右有形形瘦畏風怕冷卧則咳噎痰沫凡治

痰飲須辨飲食食少已極議治中宮之陽

疝肝腎
虛寒

苓桂朮甘湯

徐

狐疝氣墜

鹿茸

大苧

當歸

沙苑

乾菹蓉

生薑

肉桂

羊肉丸

調經陰
虛熱灼

徐

七經水未來。春末夏初。痰血形瘦耳鳴。食過如饑。饑不

納食。肝陰不生。熱自內灼。漸成乾血勞症。必要經來可
愈。但女工針耑凝眸諦視。即動陽升火。此大忌。

細生地

天冬

柏子仁

丹參

澤蘭

知母

曹

辛溫芳香。開氣舒鬱。嘔出血餅。嘔吐頓減。蓋氣阻血

鬱氣阻
血凝

凝堵塞腕中升降之路而痛。自服藥以來。微微欲飲。而大便結燥。知不耑於辛温矣。

青葱

桃仁

歸尾

麻仁

郁李仁

冬葵子

又。痰盡。噎氣間嘔。此陳腐未掃。乃無形之聚。用辛芳涼滑治之。

鮮省頭草

五錢

滾水泡湯和入竹瀝

五錢

分作三次服

虛勞奇
脉陽虛
腰痛

孫一。遶腰近臍。久痛若空。秋深屈冬。四肢不暖。此由幼年精未充旺。早洩。既損難復。八脉失司。是陰傷及陽。藥須達及奇經。可冀漸效。

鹿茸

淡蕤蓉

巴戟

當歸

茯苓

虎膝骨

牛膝

大苟

羊肉膠丸

淋濁脾
腎陽衰

吳二精濁已久。行步無力。食冷。口吐酸水。陽氣微弱。治在

脾腎。

益智仁

家韭子

覆盆子

胡蘆巴

遠志

小苟

兔絲子

金櫻膏丸

泄瀉腎
虛

王四陽結於上。陰泄於下。晨泄多。因腎虛。陰傷及陽。胃口

自憊。舌畏辛辣。不受桂附之猛烈。虛腫虛脹。先宜固劑。

人參

禹餘糧

赤石脂

五味子

砂仁末

遺精陰
虛陽浮

周七精遺越日。陰火忽冲。神亂肉潤筋惕。此陰不戀陽。以

補虛鎮攝收斂。幸年壯胃口不敗。可以全愈。

熟地

莢肉

五味

龍骨

湖蓮

茯神

遠志

火淋濁陰

邵六望七男子。下元必虛。操持縈思。陽墜入陰。精腐即化。

紫黑之色。宿者出竅。新復瘀結。溺出不痛。非久積宿腐。據述常飲火酒。酒毒辛熱。必先入肝腎。虛宜溫補。肝宜清涼。閱方用歸脾湯。且非嚴氏法。雜湊成方。焉能治此大症。

細生地

清阿膠

黑穠荳皮

赤芍

重編

卷一

五

丹皮 童便一杯冲入

痿精血 虛

周五陽維脉循行外踝。遇勞形辦事。環跳跗骨酸麻而痛。丹溪云。麻為氣虛。蓋年力已衰。不得安養。怡悅。痿論云。意傷肢欲廢矣。且痛處肉消形癢。無腫赤之象。此氣血不布。涵濡筋骨不足之症。比比然。

生精羊肉 虎脛骨 肉蓯蓉 枸杞子 沙苑

巴戟肉 牛膝 當歸 川石斛

瘵厥肝 鬱

翁四少腹有形。左脇臏脹。內發必肌肉麻木。嘔吐痰沫不爽。此屬肝厥。出平懷抱抑鬱。不得條達。數載病不肯愈者為此。

淡吳萸 川棟子 生香附

南山杏 青橘葉 牡蠣

虛勞陰陽兩虛

何二壯年脉芤少神色痿肉瘦食進不充形骸不耐煩勞

乃內損也節欲養精安神養氣藥用血肉有情氣血兼

補年少望其生振

河車 人參 熟地 五味

山藥 茯神 瀉肉 芡實

暑勝胱熱閉

宋十大吸受暑熱異氣入表中之裡為淋痛溺赤形肥素有

濕痰議通太陽

桂枝 木猪苓 茯苓

草薺 海金沙 寒水石

中風水 虧風動

鄭九五 夏至陰生。忽然口喎頰斜。耳竅無聞。此非外來之邪。

皆由男子望六。下元已空。下虛則上實。水虧風內起。凡腎以溫為養。肝宜涼。乃平溫養腎精。必佐涼肝。水中有真陽內蓄。是為命根。蓋肝胆相火。內奇性惡熱燥。用七方中之複方。

熟地 磁石 龜版 丹皮 五味

天冬 枸杞 菘蓉 菊花炭 川斛

疝陽氣 奎

方七 高年宿疝不愈。入夏陰囊足跗腹大。乃陰臟之真漸

竭。腑中陽氣不行。一派濁陰迷漫。述二便皆不通爽。明

知老弱久虛，然呆補必助濁壅塞，議通陽一法。

白通湯去葱白

目肝虛

周五正視一物見二。睨視則否。凡積勞氣洩陽傷。當夏熱

氣再大泄。雖曰肝竅開目。實臟真精華會聚之處。當甘

緩理虛。酸收其散。大忌苦降辛開。

桂圓肉

枸杞子

炙黑甘草

五味子

山萸肉

菊花炭

肺痿勞傷

俞一五久嗽失音。飲食仍進。自覺淹淹無力。此是內傷勞倦

夏月泄利。是暑濕氣感。不在本病之例。食減肉消。治嗽

無益。以肺痿論

白芨 生黃芪 炙甘草

苡仁 黃精

產後尊

周二 尊勞。下元先空。咳音不轉。必致嘔吐。是衝脉虛。氣逆

上攻。薰蒸肺臟。延及不饑。減食。腹痛便溏。乃清內熱。泄肺醫嗽之候。

炒當歸 生白芍 炙草 南棗肉

濕濕傷陽氣

吳二五 平昔飲酒。夏令再受地濕之感。內外濕邪傷陽。阻遏

氣机流行。遂致一身盡腫。針刺出水。稍瘳。復腫。皆出陽氣已衰。水濕無以分逐。苟非氣雄通陽。陰凝何以走泄。所服八味湯。僅溫煦腎陽。與陽維不合。

咽喉陰
火
疝精血
虛

川烏

附子

生白朮

茯苓

木香

黑荳皮

曹三陰火喉痺。

滋腎丸

李四勞必疝墜。按之有聲而解。是虛而氣乘。非因寒也。閱

所服之藥。半屬辛熱。不知質偏精血內空。法當攝固。不

必偏熱偏寒。

熟地

茯神

炒遠志

線魚膠

柏子仁

五味子

紫胡桃肉

沙苑子

管六少腹有形。六七年漸加脹滿。述臨暮納食。夜必腹鳴。

痕泄。蓋老年坎陽日衰。坤土不運。濁陰下聚。凡冷滯肥

賦食物宜忌勿預家務怡悅情懷以為却病之計若徒恃醫藥非養生之法矣。

人參

兔絲子

胡蘆巴

茯苓

舶茴香

上肉桂

補骨脂

砂仁

金鈴子

肉果山藥糊搗丸

吐血

吳十脇中刺痛。血逆。心中漾漾。隨嗽吐出。兼有嘔惡腹痛。此并年情志鬱勃。陽氣多升。絡血逆行。經水不下。恐延乾血重症。

山查

桃仁

柏子仁

丹皮

延胡

益母草

暑熱傷
心胞

張十二暑入心胞。煩熱多驚。舌苔黃而不渴。

連翹

犀角尖

益元散

大竹葉

石菖蒲

川貝

暑熱傷
心胞

周四先天稟薄。壯盛精氣不足。形神勞動。陽乃浮越。精血

皆有形。非旦夕可生。培養無形元炁。可生有形之精血。勿誦讀煩心。勿搖精動腎。靜養百日。壯年可以生復。

兩儀煎

目涼散
傷胃

孔四頭風傷目。是內起之風。屢投發散清涼藥。不對症。先

傷胃口。做內經辛苦急。食甘以緩之。

枸杞子

桂圓肉

茯苓

炒熟半夏

肝風犯胃

楊一肝風化熱犯胃。惡心痞悶。食入作脹。口渴。議養胃制

暑濕蘊三焦

施坐不得卧。胸滿氣喘。暑風濕氣漫處三焦。太陽膀胱不開。邪鬱生熱。氣痺生腫。先議開三焦氣分之窒。

虛勞煩勞陽升

王六拮据勞形。操持勞神。男子向老。下元精血先虧。陽先交護。浮越上胃。致耳目清空。諸竅不爽。凡下虛者。必上實。此非風火由陰不配陽使然。虎潛丸。

猪苓

廣皮

厚朴

茯苓皮

杏仁

白蔻仁

滑石

寒水石

人參

金石斛

烏梅肉

麥冬

新會皮

遺精陰
火動

李九肌柔色白。形氣不足。當知識年歲。龍雷突起。無制乾
嗆咳逆。情萌不遂。有夢遺精。見熱理嗽。清熱胃減。墮入
虛勞。能知命靜養。冀其漸次充復。

三才湯加蓮肉。芡實。茯神。栢子仁。

癩腎虛

姜五。痢已八月。久痢自必傷腎。下失收納。據述泄氣。糞通

稍爽。非寒膩固瀉所宜。用景岳理陰煎。

軀肝腎
陰虛

唐十二。陽浮汗泄。衄血皆下焦真陰不充。適值乘龍之喜。與
病相悖。議填實下元之陰。制伏浮陽。

熟地

更肉

五味

女貞子

旱蓮草

茯神

癘邪陷厥陰

秋石

黑殼建蓮

蜜丸

王三九癘邪流入肝絡。莖舉寐中夢擾。熱通筋骨。液傷痠痛。

正虛邪伏。滋養不效。

生鱉甲

生地

胡黃連

丹皮

黑山梔

青黛

濕濕熱

計一四酒客內有濕熱。瘍膿初愈。精神未復。小暑泛潮。外濕

與內濕併合。致傷脾胃之絡。便血繼以吐血。久延肉消

神倦。然脈絡之濕。蒸熱蘊仍在。此病邪為本。虛為標。非

補瀋藥所宜。

茵陳

茯苓皮

厚朴

廣皮

海金沙

日陰虛
受暑濕

雞肫皮 大腹皮 查肉 砂仁殼

王二目患其來甚驟醫投風藥寒涼漸起翳障眇肉欲遺未泄已見淋濁陰虛弱質暑濕熱氣直入於陰經非欲速易愈之症

石蟹 苦丁茶 金石斛 桑白皮

飛滑石 乾荷葉 夏枯草

脾胃暑
濕內伏

顧五稟質聰慧當此已有知識勤讀夜坐陽升則上熱下

冷真陰不能生旺長夏變幻腹疾以瘦濁痺熱論之乃虛人暑伏脾胃議用東垣法

人參 煨葛根 廣皮 黃柏

虛勞心腎不交

生穀芽

澤瀉

茯苓

川連

胡三形質偉然。吸氣不入。是腎病。自言心緒少適。六七年

久藥無效。近來納食不運。夜必驚惕而醒。先以兩安心腎鎮怯理虛。

人參

茯苓

龍骨

小麥

炙草

金箔

痺濕熱

顧四凡寒濕痺久則變熱。六氣客邪。悉從火化。邪客軀殼

節。熱氣還蒸。諸竅膚腠。癰疹搔痒。忌食酒肉。方可向愈。

羚羊角

犀角

僵蠶

噎膈反胃

錢五

粗桂枝

花粉

白茯苓

中年食入涎沫上壅吐食。此屬反胃。姑以淡薄滋味。清肅上氣。平昔飲酒惡甜。藥不宜重以損胃。

鮮枇杷葉

杜蘇子

降香

橘紅

蘆根

苡仁

癰瘕寒凝氣結

張二

上年產後。至今夏經轉寒凜。遂結氣瘕。自少腹攻至胃脘。腕痛氣結。宜開先用金鈴子散。

延胡

金鈴子

青葱管

山查

生香附

蓬莪朮

沈一平素飲食少用。已見脾胃不和。暑濕熱氣。從口鼻入。

幕原受邪。邪氣蒸搏。口舌疳蝕。脾營胃衛。異氣混受。遂
爲瘧潮熱。穉質純陽。微冷熱勝。當以廓清三焦。蘊伏而
脾胃最爲衝要。

飛滑石

大竹葉

杏仁

厚朴

廣皮白

茯苓皮

白薏仁

癩鬱怒

方三

正在壯年。交四月陽氣升舉。忽然跌仆無知。頭搖肢
搖。越旬又發。問病因忿怒所致。大凡病來迅速。莫如風
火。鬱怒由肝胆木火生風。從此而發。癩厥若僅謂痰火。
用辛香燥劑。劫痰利氣。宣竅厥陽不寧。病奚得減。

龍薈丸

每服二錢

四服

胃痛氣滯血瘀

陳二酒濕熱氣氣先入胆濕着胃系痰聚氣窒絡血瘀痺痛在腕忽映少腹氣血交病先和少陽陽明之陽酒客惡甜治以苦辛寒

土萇皮

半夏

枳實

川連

生薑

痙厥濕溫邪閉

周

五五

陰虛質弱風溫濕溫皆邪在氣分汗散傷液邪入心

營神識昏昧肢節微痙仲景痙濕暍萃於一門小溲不利有三焦阻閉之危

飛滑石

鮮葛蒲根

茯苓皮

川通草

寒水石

廣皮

煎藥化服牛黃丸

瘧濕過陽氣

許四暑濕皆氣窒成瘧初起舌白嘔吐乃太陰脾病誤用

寒涼滋柔陰藥助其濕邪引邪入營舌赤不喜飲水何從氣分開其結逐其濕倣古賢治瘧務在通陽

茯苓

一兩

芫花厚朴

葶果仁

半夏

新會皮

高良姜

冲入薑汁五分

中風陰虛陽浮

蔣

上年久暖少寒冬不藏固花甲已外腎真既虧水不

涵木肝陽化風勃然上泛遂令眩暈經云下虛上實為

厥乃欲仆中之根萌也此非外來六氣所感由操持縈

患五志之陽刻升煩動在裏營血肢液暗耗診脉左尺

空弦望色浮紅光亮欲便用力汗洩藜藜偶爾立起則

足附骨痠。色脉見症。顯明彰著。閱所服諸藥。未參內典。聖訓。昔劉河間內經奧旨。凡上實下虛。耳鳴足痿。便溺竅阻等症。每以濁藥清投。名曰飲子。宋是議主治。

製熟地

肉蓯蓉

炒遠志

柏子仁

川斛

天冬

五味

淮牛膝

泄瀉寒濕

劉

山西泄瀉二年。食物不減。胃氣未損。脾陽已弱。水濕陰濁。不易輸運。必須慎口。勿用寒滑厚味。議用煖中佐運法。

生茅朮

生於朮

炒香菟絲子

茯苓

便血肝胃不和

張

瀉血八年。腹左有形梗痛。液耗渴飲。肝風大震。腑氣開閣失司。溲溺不利。未可遽投固澁。

茯苓

木瓜

炒白芍

炒烏梅

澤瀉

炙草

痿風濕熱邪

許

風濕熱燥於經脉。右肢牽掣。邪未驅盡。發為瘡疾。有

年。陽明脉空。遂致偏痿。

生黃芪

歸身

防風

丹皮

木防已

黃柏

銀花

虛勞營

沈

背寒鼓慄。而後發熱。二便頗利。並不渴飲。入暮倚枕。

氣自下衝。嗆咳不已。脉空大。按之不鼓。肌消神鑠。是煩

勞抑鬱傷陽。寒熱戍起。丑衰。解時無汗。非外感表病。顯

然溫養營分。立方參入奇脉。宗陽維為病。苦寒熱之例。

川桂枝

鹿角霜

當歸

炙草

生薑

南棗

又

進通和營分。兼走奇脉。二劑寒熱已止。而操持煩心。皆屬傷營耗氣。未免滋擾反覆。經謂心營肺衛之虛。都是上損。立方不越益氣養營矣。

人參

茯苓

廣皮

炙草

炒白芍

當歸

棗仁

生薑

虛勞陰虛陽升

久損精神不復。刻下土旺。立春大節。舌碎齩腐。陽升。

陰不上承。食不知味。欲吐下損。及胃最屬不宜。

人參

炒麥冬

紫衣胡桃肉

鬱肝火

熟地

雞子黃

茯神

褚

氣鬱。肝不疎泄。神狂譫語。非是外感。乃七情之病。先

進滌痰湯法。

川連

胆星

石菖蒲

半夏

鈎藤

山梔

遠志

橘紅

風溫上焦濕熱

壅閉

方

風溫上受。心營肺衛皆熱。氣不宜降。則痞脹熱薰。膈中則神迷。此上焦客邪。想有酒食內因之濕。互相挾持。七八日未能清爽。以梔豉湯主之。

山梔

荳豉

杏仁

鬱金

萹皮

鮮菖蒲

調經經
閉肝脾
不和

便血肝
腎虛

郭小診脉左勁似數。右寸虛大。中下虛濡。面色晄白。少寐。

消渴。納穀最少。經候不至。已十四月。上年夏秋間。頭面肢體。曾發風疹。此屬血液內奪。陽動化風。以和肝清熱得安。今思藏血統血。固在肝脾。必得陽明脉絡充旺。斯海流行稱職。議甘補佐以兩和方意。

人參

炙黑甘草

歸身

赤白製首烏

菟蔚子

酒炒白芍

桂圓肉

小黑稽荳皮

潘

下血。純用苦寒。幸得補陽救正。陰陽造偏。浮腫咳喘。

此藏聚失司。當春升發洩之候。宜通補攝納。治其肝腎。若芪朮呆補。恐助濁凝。有脹滿之變。

人參

五味

茯苓

車前

熟地炭

炒杞子

炒歸身

巴戟肉

脾腎
陽虛

袁

脉濡面赤呃嘔吐自利。此太陰脾陽受傷。濁陰逆侮。

高年不可純消。擬用理中法。

人參

炒黃乾薑

厚朴

薑汁
炒

炒半夏

又

中下陽微。嘔呃下利。溫中不應。恐延衰脫。夫陽宜通。

陰宜守。此關闡不致潰散。春回寒谷。生氣有以把握候。

王先生主議。

人參

附子

炮薑

便血鬱熱

炒粳米 赤石脂 生白芍

宋四七脉濡瀉減食不運腕中常痛糞後血下如線按經云

陰絡傷則血下溢閱前方補陰不應反滋脹悶蓋因不明經營操持多有勞鬱五志過動多令化熱氣鬱血熱三焦失於宣暢若非條達氣熱焉望血止

於木炭 枳實炭 鬱金 廣皮

炒焦桃仁 炒白芍 炙草 茯苓

嘔吐胃陽虛

褚晨起未納飲食吐痰致嘔減穀胃陽傷也由多進知

柏所致其苦寒胃先受傷矣先用小半夏湯加黍米

痺勞傷氣血痺

席積勞氣血凝遏腕悶肋痺食減治以宜通脉絡

桃仁

當歸鬚

鬱金

柏子仁

小胡蘆

桑葉

桑芽膏丸

施三五。忽然神迷。逾時自醒。病起一年。頻發漸近。今診脈細。

弱。必未實熱。此因憂慮。情志受傷。手厥陰膻中之清真。

為濁涎所阻。內因之病。理難速攻。姑以宣通神明。兼理

痰氣為治。

服午

鮮菖蒲根

天南星

遠志

竹節附子

茯苓

薑汁

夜服白金丸

失音肺熱

徐三四。聲音不宜。痰出鼻竅。上焦肺氣窒塞。經營着急。

傷肺。酒熱薰蒸。亦主傷肺。宜辛涼以宣之。薄味以清之。

每日吃淡荳腐花一杯。

枇杷葉

薄荷葉

桑葉

杏仁

牛蒡子

甘草

午前服

徐十二久病氣血膠結絡中不和。攻補皆不去病。仿古五積

治例。每以疏通緩逐為法。不必峻劑。

雞內金

海浮石

蛤粉

歸鬚

桃仁

半夏

瓜蒌實

枳實

山查

便血陰傷及陽肝風動

呂脉動如數。按之不鼓。便血自去。秋大發。今春頻發不

已。凡夜寐夢泄。便血隨至。平時身動。吸促如喘。氣衝咳

嗆。心悸耳鳴。足肢痿弱。不耐步趨。種種見症。顯然肝腎

真陰五液大傷。八脉無以攝固。陰既虧損。陽無有不傷。此滋補原得安受。嘗讀仲景少陰病治例。有填塞陽明一法。意謂脂液大去。關闢皆撤。而內風虛陽。得以掀旋內擾。屢投補陽。暗風隨至。聖人每以填塞其空。似與內經腑通爲補之義相左。然關門不固焉。有平期。既驗之後。再以血肉有情。另佐東垣升陽之法。安養調攝。自有成驗。先用方。

禹糧石

赤石脂

人參

五味

萸肉

木瓜

蒸餅爲丸

李先知曰。下焦有病人難會。須用餘糧赤石脂。以土

屬外剛內柔味酸質厚。能填陽明空漏。人參益氣生津。合木瓜以入胃。更味酸收斂液。固陰以熄肝風。蓋陽明陽土宜濟以柔。不用剛燥慮其劫液耳。前方用二十日後接服。

膈肭臍 鹿茸 家韭子 補骨脂

生兔絲子粉 赤白茯苓

暮夜兼進東垣升陽法

人參 黃芪 熟朮 廣皮 炙草

炒歸身 防風 羌活 獨活

吳 辛泄太過肺胃津傷。咽喉乾涸。出納氣阻。蓋肺為出

燥肺胃 津傷

重刊... 卷一 三

氣之臟姑進滋養上焦以充化源。

生雞子白 玉竹 麥冬 甜杏仁 生甘草

肝風脾虛

嚴

填陰則陽和風熄。雖已獲效。春分後診左脉垂尺已減。右脉弦。恐夏熱氣泄。有減食神煩之慮。早上仍用前方。晚進戊己法。倣仲景肝病實脾之意。

人參

熟朮

茯苓

炙草

廣皮

白芍

肝陽升動

方

饑不欲食。氣衝咽隘。頭眩。寒熱汗泄。皆肝陽升動太過。若加怒勞。恐有暴厥之慮。

川連

烏梅

人參

風熱風
陽上升

鬱怒傷
肝

勞陽氣
傷

牡蠣

生白芍

炙草

包

熱灼耳鼻諸竅皆痒。浮陽化風上擾。汗多不渴飲。此非氣分實火。鎮固不應。法當攝補。

三才湯合參麥散主之。

葉

鬱怒致病。心胸映背痛甚。甚至氣阻咽喉。呼吸有音吐

涎沫。又不熱渴。由肝病蔓延。所傷非一經矣。先理上焦

與苦辛輕劑。

鮮枇杷葉

香豉

苦杏仁

鬱金

瓜蒌皮

黑山梔

何一三臍流穢水咳嗽。腹痛欲瀉。詢知勞動太過。陽氣受傷。

三年久恙。大忌清寒治嗽。法當甘溫以治之。

黃芪建中湯去薑

喘下焦陽虛

陸二五

服腎氣湯得效。是下焦陽微。致神氣胃昧。吸不得入。為喘。溫補收納。一定成法。

人參

熟附

茯苓

車前

紫衣胡桃肉

嘔肝犯胃

姚

脉左弦。肝風犯胃。水穀下咽。即嘔。經月不愈。胃氣大虛。泄木必兼安胃。

人參

川連

黃栢

川棟子

川椒

桂皮

烏梅

生白芍

陰虛肝
陽動

潘

眉心痛。心中熱。腰脊痠痛。五心皆熱。自產後半載。形
消食減。乃下焦陰液大耗。而肝風挾陽震動矣。病自內
損。固當補益。然閱所服方藥。雖曰養陰。半投芎柴辛散。
是昧於根蒂已虛。雜用升泄。恐咳喘躁厥至矣。

生地

阿膠

生白芍

麻仁

炙草

麥冬

羚羊角磨汁

瘕液涸
氣墜

伍

崩淋已久。少腹結瘕。液涸氣墜。辛甘溫潤之補。冀得
宣通。勿謂崩症。徒以瀉藥。

淡菴蓉

杞子

栝子仁

郁李仁

冬葵子

歸身

風溫劫損胃汁

任奶風溫乃手大陰肺病與傷寒足經不同輕劑恰合治

上無如辛散消尅苦寒清火劫損胃汁致嬌柔肺臟一傷於邪再傷於藥氣鬱不行壅塞喘咳不饑不飽此胃氣已逆旬日以外當甘涼生胃津少佐宣降不宜重劑

玉竹

霜桑葉

大沙參

生甘草

甜杏仁

甘蔗汁

胃陽虛

方脉形濡弱形寒汗出頻吐涎沫三日來寤不能寐此

胃中虛冷陽氣困憊法當溫中佐以運通宣導寒涼斷勿輕投

丁香皮

益智仁

半夏

腑腸不通便難

茯苓

廣皮

煨薑

錢

腑陽不通。肝失疏泄。至腹痛便難。咽阻目赤。此酸苦泄熱以通陽竅。倣前賢龍薈遺意。陽和風化。腸垢始下。脉雖小安。而舌乾少寐。陽明胃汁未充。仍宜甘寒為主。以性躁肝急。脾胃易虧也。

生地

阿膠

寐仁

炒麥冬

生白芍

茯神

痺濕熱內壅

洪

勞心營耗。風火交熾。飲啖酒肉。濕熱內壅。絡虛脉實。肉腫如痺。當此小滿。陽氣大泄。一陰未復。致內風挾陽上巔。耳目孔竅不清。舌胎黃厚。並不大渴。雖與客熱不

風溫

同。但口中酸濁吐痰。酒客不喜甘藥。議進滋腎丸。

王 風溫上腫。氣窒不饑。仍從上治。

活水蘆根

兜鈴

白蔻仁

杏仁

大豆黃卷

生苡仁

乾蟾丸五丸

李

溫濕熱蒸傷脾胃。身熱泄瀉。

黃芩

生白芍

滑石

猪苓

濕

俞

穢濁纏染。口鼻吸受。時序雨潮之濕。亦屬不正異氣。

此芳香開氣。淡滲利濕。一定成法。

白蔻仁

藿香梗

嫩竹葉

杏仁

大豆黃卷

厚朴

滑石

勞固攝
少陰

廖

脉細。自痢瀉。血汗出淋漓。昏倦如寐。舌紫絳。不嗜湯飲。兩月來。悠悠頭痛。乃久積勞傷。入夏季發泄。陽氣冒巔之徵。內傷悞認外感。頻投苦辛消導。大劫津液。少陰根底欲撤。陽從汗泄。陰從下泄。都屬陰陽樞紐失交之象。此皆見病治病。貽害不淺。讀長沙聖訓。脉細如寐。列於少陰篇中。是攝固補法。庶可冀其散而復聚。若東垣芪朮諸方。乃中焦脾胃之治。與下焦少陰無預也。

人參

禹糧石

赤石脂

五味子

木瓜

炙草

此仲景桃花湯法。原治少陰下痢。但考諸本草。石脂

痲病傷厥陰

薛奶

痲痲痛在少腹左旁。病傷厥陰絡脉。宗仲景法。

當歸 三錢

生精雄羊肉切片漂去血水

生薑 一錢

炒黑小茴香 一錢

濕熱脾瘧

徐

目黃。腕悶。汗多。嘔吐。濕勝。症屬脾瘧。

厚朴

炒半夏

草菓

藿香根

白蔻仁

痰飲

袁

頭旋目暗心悸。不渴不饑。勉強進食。二便自通。不致

脹阻。病經卧床一月。東垣云。久病不知饑飽。不見皮枯。

毛痺乃痰飲爲患當陽氣上升時令恐延痰厥

炒焦熟半夏 枳實 高粱米 茯苓 薑汁

勞遺泄

華

戊申三月廿一起恙至四月初一日診脉虛促舌微
腫心悸神恍忽遂肌麻痺遺泄晝夜卧不成寐腰以下
痠更不勝坐立此屬陰液素虧值春夏之交陽氣發泄
陰乏戀陽加以步趨嗔怒都令五志中陽大動誠如內
經煩勞則張精絕辟積於夏令人煎厥薄厥之謂蓋張
指陽氣之弛張精絕謂真陰之內奪木失水涵肝風大
動皆爲厥之因也法宜味厚固陰甘緩和陽內風熄可
冀悸定安寐倘執方書不寐投以溫胆湯或畏虛亂補

是不明陰陽臟腑之先後矣。

人參 一錢半

茯神 三錢

真阿膠 二錢

麥冬 一錢

生牡蠣 三錢

龍骨 三錢

生白芍 二錢

細甘草 炙黑 一錢

又 已酉歲正月初九日診夢寐欲遺丸方。

人參 二兩

熟地 四兩

河車膠 一具

五味 一兩半

覆盆子 一兩半

菟絲子 一兩半

茯神 二兩

湖蓮肉 二兩

遠志 一兩

山藥粉和丸

難陽傷便

周

病小愈。卽食腥滯粘膩之物。胃陽尙弱。穢濁痞結。中

焦不運。腸氣不行。大便七八日不更衣。舌自涎湧。鼻覺

氣穢。清濁混亂。所服之藥半係辛寒。不究陽傷致纏綿

瘴肺失
降合

逾月。先用來復丹。每服一百粒。薑湯送下。

汪

日前議味淡輕揚。少佐微辛。正合經言肺欲辛之旨。然發表之。辛則升。開洩之。辛則降。夫肺主一身之氣。清空之體。義不受濁。前云穢瘴上入肺位最高。受戕最先。因失治而漫延中下。內經色診。謂從上病者治其上。斯源清流潔矣。

水蘆根 白通草 山茵陳 生苡仁 浙茯苓

桑皮 研入白蔻仁末 卧時服威喜丸二錢

又

濕阻經絡為痛。初在虛里穴。漸延肋背附骨。日來背部發現濕症。微微紅色。此濕邪由氣及於血分。丸藥攻

痺濕阻
經絡

滯。僅走腸中。未能引經宣通。所用氣分肺藥。咳喘濁痰。

已緩。今經絡久痛。當以三因痺症參看。

製蒺藜 通草 木防己 炒焦半夏

生苡仁 浙茯苓 炒熟石膏

潮濕下痢陽傷

陳 大雨潮濕。下痢都是陰寒。服黃連陽傷腹脹。繼雖用

溫。又是守中。今二便不爽。脹必兼痛。腑為陽。陽宜通。通

則濁陰不聚。痛脹自減。大針砂丸每服一錢二分

產後衝任虛

金娘 少腹痠鬱不和。據述因寒濕而起。緣產後精采不復。

衝任已空。躄維不攝。經言陽微為病。苦寒熱矣。若云瘧

邪。焉有三五日休息而至。蓋脈絡空乏。須填補孔隙。區

區滋清之補。與產後奇脉之病迥殊。故不獲效。

人參 紫石英 炒歸身 鹿角霜 炒杞子

茯苓 接服斑龍丸加參

中惡吸
穢濁氣

舒

口鼻觸入臭穢濁氣。蒙閉心胞。遂心胸痛嘔瘀血。且欲昏閉。即方書中惡之症。蘇合香丸能辟穢惡之邪。若

悞認陰症。擅投桂附。則抱薪救火矣。蘇合香丸二丸

厥風陽
上逆

張

小姪時時驚恐。不食不便。狀如神附。頭面肌浮。舌強唇腫。寤不能寐。夜多妄言。經少紫黑。此五志煎厥。風陽上逆。

倣俞氏治楊季登女例。用龍會丸三錢。

厥陰頭
痛

吳

厥陰頭痛。舌乾消渴。心下煩疼。無寐多躁。少腹脹滿。

小溲滴瀝。時時痙搐。最怕厥竭。

阿膠

鮮生地

雞子黃

小黑棗荳皮

煎半盞送滋腎丸二錢

顧

哮喘腎陰虛

幼穉哮喘。由外來風寒。必從肺治。因過食甘膩。必兼理胃。久發不已。病氣蔓延。不獨在肺胃間矣。故因勞致發。遇冷而發。乃衛陽已虛。煩動火升。面赤。皆腎陰內怯。雖非色慾之損。然因病致虛也。須知病是有餘。體屬不足。不可徒用攻痰逐氣。取快一時。當未發之時。病機潛伏。只宜培土以運痰。土旺則肺氣充。壯水納氣以益腎。子氣充長。母氣自強。此為子母相生之治。守之日久。發

作自緩。况宿病無急攻之法。或寓攻於補。或攻補互施。然寒暄飲食之調攝。於此症尤當加慎。

早上服補納腎氣方

薑汁製熟地 生白芍 懷山藥 丹皮 雲苓

紫衣胡桃肉 鹹秋石 澤瀉 密丸桐子大

午後服健中運濕方

人參 熟半夏 新會皮 茯苓 枳實

地栗粉 金石斛湯法丸

王 濕鬱熱蒸。必陽氣鼓運。濕邪乃解。是寒戰後身痛已

緩。蓋濕從戰而氣舒。戰後陽氣通和。為身熱汗出耳。但

濕防變

脉濡神倦。餘邪未盡。正氣已虛。有轉瘡之象。用大半夏湯。通補陽明。

人參 半夏 茯苓 薑汁

嘔吐大
便不通

蘇

早食暮吐。大便不爽。病在中下。初因勞傷。胃痛痰瘀。有形之阻。

桃仁 半夏 韭汁 枳實

姚

老年伏氣。溫邪五十日不解。脘痞不饑。心中脇內獨

熱。藥下咽則嘔痰多。呃逆舌焦。微渴。四末微冷。此胃傷

已極。久乏穀氣。致津液不復。氣機鬱悶。用藥須忌苦燥

辛溫妨胃。先請芳香輕清。兼以穀氣。開醒上中。

瘕陽傷
嘔吐

香梗露 香櫞露 玫瑰露 銀花露 米漿

劉 瘕聚攻觸中脘。心痛映背。嘔吐涎沫。凡久病病必在

絡。絡空必成脹滿。已經旦食苟安。暮食痛嘔。其胃中清

陽久失旋運之司。飲食尙助嘔脹。焉能承受湯藥。病退

無期。頗為棘手。閱古方書於久病有形。通劑是議。先擬

通陽。改投小丸。一味阿魏丸。硃砂為衣服五分

痺汗出
陽虛

張 形寒手足痛。肌肉漸腫。勞力行走。陽氣受傷。客邪內

侵。營衛失和。傲局方痺在四肢。汗出陽虛者。與黃芪五

物湯。

黃芪 桂枝 茯苓 炙草

便血怒
勞血鬱

當歸 煨薑 南棗

胡 胸臆不爽。食入內脹。糞後便血。病已二年。診脉左小
溢。右微弦。食減形瘦。是內傷悒鬱。初病在氣。久延血絡。
而瘀。腐色鮮。血液皆下。從怒勞血鬱治。

桃仁 杏仁 栢子仁

歸尾 紫苑 冬葵子

嘔吐腑
陽滯濁

費 臍下有形。攻觸氣上則嘔吐。降下則失氣。脹消。脹中

必有濁滯阻塞。椒附難投。僅能開無形陰濁。老年陽衰。
不可遽投。攻下用半硫丸一錢。俾腑陽流通。滯濁自去。

脘痛映
背胃氣

丁 脉右弦。脘痛映背。得嘔痛發。氣鳴痛緩。乃胃氣少降。

少降

寒暄七情皆令痛發。病屬肝胃。議河間金鈴子散。

金鈴子

延胡

炒半夏

薑汁

茯苓

橘紅

肝犯胃
平肝和

杜

酒客胃中釀熱。嗔怒亦令肝陽犯胃。今納穀腕中微痛。乃陽逆失降。酒家忌用甘膩辛。苦清降。平肝和胃治之。

川連

吳萸

半夏

薑汁

茯苓

橘紅

竹瀝

溫邪劫
傷津液

王

清明穀雨。氣候已暖。所感溫邪。從口鼻吸受。自上及中。為三焦病。羌防乃散。足太陽風寒表邪。溫病篇云。悞

用辛溫表散。卽爲重劫津液。今頭身痛。咽痛心胸煩悶。視其舌心灰黃。邊紫絳。渴飲不能下咽。斑疹隱隱。津涸呼吸漸閉。所謂一逆尙引日再逆。促命期矣。重症之尤。勿與日下時行客邪同視。

玄參

連翹

銀花

白金汁 冲

大豆黃卷

飛滑石

象貝

川通草

厥怒傷
肝陰

錢

肝藏魂。因怒則諸陽皆動。所見病情。皆屬陽動化風。而爲厥。故凡屬厥症。都隸厥陰。考內經治肝之法。不外辛以理用。酸以治體。甘以緩急。今肝陰素虧之體。驟加暴怒。病已浹旬。液涸陽亢。急急鎮固收攝。猶慮弗及。閱

所服諸方。僅以泄肝。用平肝為事。膚淺庸劣。一至於此。不知補法。都以子母相生同治。蓋壯水則未得滋榮。陰充則風陽自熄。醫不師古。尚敢稱虛道實耶。

生地

阿膠

麥冬

人參

金箔

生雞子黃

瘧熱傷陰

謝

瘧熱傷陰。心腹中熱。浮陽升降。鼻衄汗出。遺精便難。此因瘧加病。久卧氣機呆鈍。食入難消。然調脾胃之藥。皆氣勝助燥。施於液虧體質。於理有悖。

焦穀芽

生地炭

炒知母

製首烏

鱉甲

白芍

服二劑後接服後方

穀露 人參 麥冬 鮮生地 北五味

夢遺督任二脉

汪 久遺溲溺。淋瀝三年。下焦常冷。脊督腰髀疼楚如墜。

失司

此腎臟虛寒。但填精固瀦多進不應。是督任二脉失司。

粘膩瀦藥。未能走入奇經。倣孫真人九法中采用。

鹿茸 補骨脂 家非子 蛇床子 生菟絲子

覆盆子 金櫻子 瑣陽 生杜仲 炙草

茯苓 黃精 羊內腎 青鹽 共為丸

痰飲支脉結飲

蔣 病已三載。仍然能寢能食。諒非臟腑虛損。自述冷氣

或聚胸臆。或貫脇肋水。飲下啣汨汨有聲。氣得下降。宛

若病去。此必支脉結飲。久久阻遏。氣隧流行。決非重墜。

攻逐。以及溫補。厥濁可治。蓋脈絡為病。非辛香何以開鬱。議宣通氣血方法。

降香 鳳凰 枇杷葉 鬱金 橘紅 蘇子

桔梗 苡仁 桑葉 淡薑渣

遺精溫
養通攝

金 動氣兼有遺精。已是下焦陰陽虛損。况久病欲進溫

養。必須通攝。桂附氣雄而剛。非下損藥也。

淡菴蓉 補骨脂 胡桃肉 生菟絲子

覆盆子 家韭子 舶茴香 茯苓

安 脈小數色蒼。心痛引背。脇肋皆脹。早上牙宣。齩血。夜

遺精風
火劫傷
營陰

寐常有遺洩。此形質本屬木火。加以性情動躁。風火內

重... 卷一... 至

燃營陰受劫。故痛能進食。歷來醫藥治痛。每用辛溫香竄。破泄真氣。不知熱勝液傷。適令助其躁熱。是經年未能痊期。議以柔劑。熄其風。緩其急。與體質病情。必有合窾之機。

細生地 阿膠 牡蠣 玄參

丹參 白芍 小麥 南棗

冬溫傷肺胃津液

季

秋瘧愈未復原。冬季連次感觸溫邪。老年平素有痰嗽。本恙溫風燥肺。氣劫胃汁。致痰多咳甚。欲嘔脈數。倏熱。右脇常痛。火色升於右頰。由胃津漸傷。肺不主降。而升騰莫制。古稱肺乃柔金。胃為陽土。已經百日纏綿。開

提半屬苦辛。辛泄肺氣。苦再傷胃。致不思納食。議甘藥濡胃潤肺。胃汁自充。肺氣自降。土旺生金。古賢定法。

玉竹

麥冬

花粉

甜杏仁

橘紅

蔗漿

腫脹脾
腎陽衰

秦

老年腫脹。四肢俱冷。皆陽氣衰憊。濁陰僭踞。蓋脾陽主運。腎陽司納。今食入愈脹。二便不爽。中下之陽消乏。豈可小視此病。

炮黑附子

淡乾薑

生白朮

生厚朴

茯苓

澤瀉

腫脹肝
犯胃

尤

由肝氣升舉犯胃。胃逆不降。幽門不通。旁趨為脹。數

月久延氣分已入血分。

桃仁

郁李仁

降香

歸鬚

川棟

山梔

濕熱阻氣

嚴

雨寸脈獨搏。不饑不食。上焦氣分之阻。時當仲夏。必

有濕熱客氣內伏。

半夏麴

瓜蘘皮

滑石

黃芩

通草

杏仁

種福堂公選良方卷二

葉桂 天士先生論

仝人公較

中風

牛黃清心丸。此藥專治痰厥。昏暈不醒。口噤痰喘。及小

兒驚風發搐五癇等症極效。胆星一兩薑汁炒白附子

一兩鬱金五錢川烏一兩麵包煨半夏一兩皮硝湯泡五次皂

次曬乾為末右五味共為細末用臘月黃牛胆三個取

汁和藥仍入胆內紮口掛風簷下至次年取胆內藥一

兩四錢加度過芒硝水飛辰砂礞砂各一錢冰片麝香

各一分研極細末和在一處稀糊為丸如芡實大金箔

種福堂公選良方

卷二

一

為衣薑湯化下。

治暴仆痰涎壅塞。

竹瀝一盞薑汁五匙調入白礬末

一錢灌下。

治筋骨疼痛如夾板狀不可忍者。

用騾子修下蹄爪

甲燒灰存性研末或黃酒或湯調服立愈。

治癱瘓秘方。

熟牛骨髓

一熟白蜜

一筋半

炒白麵

一筋

炮薑末

三兩

右四味和勻如彈丸大每日三四丸細

嚼黃酒下大效。

又

威靈仙

蒼朮

牛膝

桂枝

木通

各一兩

右為末黃酒五觔煮一炷香早晚服。

治雞腳風。手足及指拳。攣如雞腳狀。疼痛不時發者。當從鬼眼灸之。左右膝骨蓋下。兩邊各有小窩。共四穴。謂之鬼眼。各將蕪艾灸三壯。卽愈。愚謂以驅寒溼。雷火針針四穴亦效。

補益

奇想補心丸。柏子仁二觔去油爲末。白朮一觔炒。生地一觔焙。紅棗肉

三觔蒸熟。右煉蜜爲丸。彈子大。每日三服。百日後百病消除。

棉子丸。烏鬚黑髮。煖腎種子。陽虛人宜服此藥。用

棉花子十數觔。用滾水泡過。放蒲包內。悶一炷香。取出曬裂壳。口取仁。并去外皮。用淨仁三觔。壓去油。用火酒

三筋泡一夜取起。蒸三炷香曬乾。
故紙一筋鹽水泡一夜炒。

乾杜仲一筋去外麤皮黃酒泡一夜曬乾薑汁拌炒去絲杞子一筋黃酒浸蒸曬乾兔絲

子一筋酒煮吐絲為度共為細末。蜜丸桐子大。每服二三錢。

養元固本暖腰方。
廣木香 真川椒 大茴炒 故

紙升麻各一兩川附子五錢蘄艾半丁香四錢上肉桂 川

棟子各一兩先將艾搓軟。次以各藥為末和勻。用綾

絹做暖腰入藥。密行腰上著肉者神妙。

腰痛神方。
雄豬腰子一付銅刀破開去中間血膜及外邊油膩青鹽炒二錢

大茴一錢五分當歸一錢五分杜仲五錢去絲。右為末入腰子內。

放磁器中過一宿。明早用韭菜上下鋪蒸熟。用火酒洗

去藥末。將腰子用銅刀切片。好陳酒空心送下。多年者吃五六付。乍起者一二付即愈。

又

杜仲

補骨脂

牛膝

香附

各三錢

青鹽

一錢半

將雄豬腰二對。竹刀剖開去筋絲。每個內內外外拌藥。用溼草紙包。灰火煨熟。去藥酒下一醉即愈。

治下部無力。

雄豬肚

一個

紅棗肉

半兩

蓮肉

四兩

苡仁

四兩

將糯米半升。填入肚內。好酒一鍾。醬油少許。煮熟。每日切幾片。空心好酒下。

長春方。

治腎虛精冷之症。

魚鱧

一筋。蛤粉炒。成珠。極焦。

棉花

子

一筋。取仁去盡。油酒蒸。

白蓮鬚

八兩

金櫻子

一筋。去毛。

川石斛

八兩

疾藜四兩 杞子六兩 兔絲子四兩 五味子四兩 炒 將鹿角五

筋。鋸薄片。河水煮三晝夜。去角取汁熬膏。和藥末為丸。

桐子大。每服三錢。

歸圓酒方。 甘菊花八兩 杞子一兩 當歸八兩 龍眼肉三兩

右藥將火酒三觔。酒釀十觔。泡二十一日。用。

三仙酒方。 燒酒一罈。十觔。入龍眼肉一觔。桂花四兩。

白糖八兩。將泥封固。愈久愈佳。

癆

治吐血癆症。 桂圓七個 紅棗十四個 蓮子二十個 小果荳十四

粒。水二碗。煎一碗。空心早服。連菓吃完為妙。

治虛癆咳嗽吐血肺痿肺癰吐膿血垂危者服之即愈。

用芟白細根約三四兩搗碎將真陳酒煮絞汁每日服
一二次至一二十日即愈。

治咯血吐血癆嗽久不止。雪梨六十隻取汁二十杯。

生地茅根藕各取汁十杯。蘿蔔麥冬各取汁五杯。將六
汁煎煉入蜜一觔。飴糖八兩。薑汁半杯。再熬如稀糊則
成膏矣。每日用一二匙。

治酒癆吐血。用雞距子一兩水三鍾煎一鍾不拘時
服。渣再煎服。服至數十日愈。

盜汗

治盜汗方。

蓮子七粒 黑棗七個 浮麥一合 馬料荳一合

用水一大碗煎八分服三劑愈。

又

黃芪

馬料荳

二味煎服半月愈。

又

五倍子去蛀末炙乾研末男用女唾女用男唾調厚糊填臍中外用舊膏藥貼之勿令泄氣兩次即愈。

止汗方。

黑荳

三錢

浮麥

一錢

烏梅

一個

煎湯服

咳嗽

治痰嗽諸虛奇驗方。

藕汁

梨汁

蘿蔔汁

人乳

薑汁

白糖

沙糖

童便

各四兩

將八味放磁瓶內。

用炭火熬煎只剩一觔為止每日空心白滾湯送下四

錢服完即愈。如能常服，則精神強健，永無虛損。

治小兒乳嗽。併大人咳嗽。屢驗方。

款冬花三錢 晶糖五錢

將二味放茶壺內。泡湯當茶吃。自然漸愈。

治小兒天哮。一切風溼燥熱。咳嗽痰喘。兼治大人。

海

浮石

淨末 四錢

飛滑石

淨末 四錢

甜杏仁

淨末 四錢

薄荷

淨末 四錢

右為極細末。每服二錢。用百部煎湯下。

治痰火骨蒸。吐血不止之症。重者十服。八服即愈。

人參

天冬

麥冬

二味去心各一錢五分

茯苓

五分杏仁

二粒去皮尖

紅棗

二枚去核

蓮肉

六粒去心

人乳

二匙

白密

三匙

大甜梨

一枚挖去心

將前藥製碎。納梨內。仍以梨蓋蓋之。用綿紙封固。飯上

蒸熟日間吃其藥臨臥吃此梨。

治痰火方。咳嗽吐痰面鼻發紅者。一服即愈。青黛

水飛極細曬乾
再研用三四錢蛤粉三錢

二味煉蜜為丸。如指頭大。

臨臥口噙三丸其效如神。

治痰火神水方。一名玄霜。黑鉛一筋。焯成一薄餅。

中穿一洞。以繩繫之。將好米醋半甕。即以鉛餅懸掛甕中。離醋約一寸許。甕口用皮紙箬子紮緊。再以磚石壓之。勿使泄氣。放屋下陰處。待數日。取起鉛餅。上有白霜。拭下。每鉛一筋。取白霜二兩為止。其霜治噎膈。每服五分。噙口內。以白湯送下。若治痰火咳嗽。每服三分。照前

法服。

治痰火方。

枇杷葉五十葉。去淨毛。水五十杯。煎至五六杯。再重湯燉至三四杯。每藥三茶匙。用蜜一茶匙。調下立愈。

治老人上氣喘急。嗽不得臥。生薑汁五兩。黑砂糖四

兩。用水煎二十沸。時服半匙。漸漸嚥之。

治喘。瓜萋一個。明礬棗大一塊。同燒存性。研末。以熟

蘿蔔蘸食。藥盡病除。

吐血。

治吐血不止。用碗盛清水。吐血在內。浮者。肺血也。沉者。肝

血也。半浮半沉者，心血也。各隨所見，以羊肺、肝、心、煮熟，蘸白芨末，日日吃之。或只用白芨爲末，米飲調服，亦效。

治吐血方。吐血者，偶吐一二口，或不時吐之。

側柏葉濃煎，和童便常服之。

又用藕節爲末，入炒蒲黃、血餘、灰等分，調服之，奇效。

又用雞子一個，打開和三七末一錢，藕汁一小杯，陳酒半小杯，隔湯燉熟食之，不過兩三枚，自愈。

赤白二濁

治赤白濁。兼治夢遺。名將軍蛋。生大黃三分，生雞

子一個。將雞子頂尖上敲損一孔，入大黃末在內，紙

糊煮熟。空心吃之。四五朝即愈。神奇秘方。

治色慾過度。精濁白濁。小水長而不痛者。并治婦人虛寒。

淋帶崩漏等症。

生龍骨飛水生牡蠣飛水生兔絲粉

生韭菜子粉

右四味各等分。不見火研末。生乾麵

冷水調漿爲丸。每服一錢。或至三錢。晚上陳酒送下。清

晨服亦可。

治遺精白濁有溼熱者。

生蠶沙研末。每兩加生黃柏

末一錢。空心開水下三錢。六七服即愈。

治白濁。

用頭生雞蛋五枚。開一小孔。每個入生白菓

肉二枚。飯上蒸熟。每日吃一個即愈。

治遺精滑失。

白龍骨

研細一兩 韭菜子

右為末。

空心陳酒調服二錢。

小菟絲丸。

治女癆夜及遺精白濁崩中帶下諸症。

石蓮肉

二兩

白茯苓

二兩

兔絲子

五兩酒浸研

右為細末。

山藥糊為丸。桐子大。每服五十丸。加至百丸。或溫酒。或

鹽湯下。空心服。如腳膝無力。木瓜湯下。晚食前再服。此

方治遺精之聖藥。屢用屢效。但石蓮子陳久者難得。

治精氣虛滑遺不禁。

龍骨

蓮鬚

芡實

烏梅

肉 各等分為末。用山藥丸如小葶大。每服三十丸。

空心米飲下。

治遺精方。文蛤研細末。以女兒津調貼臍內立止。

治一切淋閉白濁。因火結莖中瀉痛。鮮鮮苡仁根。搗

爛絞汁一碗。或滾酒。或滾水。冲入空心服。二三次必效。

思仙丹。治陰虛火動。夢遺神方。蓮鬚十兩石蓮肉十兩

去內青翳并外皮芡實十兩去壳。右為末。再以金櫻子三觔去

毛子。水淘淨入大鍋內。水煎瀘過再煎。如飴糖和勻。前

藥丸如桐子大。每服七八十丸。

蠱

治五臟神方。蘿蔔子四兩用巴豆十六粒同炒。牙皂一兩五錢沉

香五錢枳壳四兩火酒一兩炒。大黃一兩琥珀一兩。右共為末。

每服一錢。隨病輕重加減。雞鳴時熟酒送下。薑皮湯亦可。後服金匱腎氣丸調理收功。

治水臃腫

輕粉二錢 巴豆四錢 生硫黃一錢
去油

右研末。做成餅。先以新棉一片鋪臍上。次以藥餅當臍按之。外以帛縛之。如人行五六里。自然瀉下。候五六次。除去藥餅。以溫粥補之。久患者。隔日方取去藥餅。一餅可救二十人。其效如神。愈後忌飲涼水。

治水臃方

陳芭蕉扇去筋燒灰 干金子去油壳 滑石存性五分

石二分

共為細末。以腐皮包滾水送下。十服全愈。

治水臃氣臃方

活黑魚一尾。重七八兩。去鱗甲將肚

剖開去盡腸入好黑礬五分。松蘿茶三錢。男子用蒜八瓣。女用七瓣。共入魚腹內。放在磁器中。蒸熟令病人吃。魚連茶蒜吃更妙。此藥從頭吃起。病從頭上消起。如從尾上吃起。卽從腳上消起。立效之仙方也。

治氣脹方。將大蝦蟇一隻。破開用大砂仁填滿腹中。黃泥封固。炭灰煨紅。冷定去泥研末。陳皮湯調服。放屁卽愈。

治氣脹氣脹方。蘿蔔子二兩。搗研以水濾汁。用砂仁一兩。浸一夜炒乾。又浸又曬。凡七次爲末。每米湯送下一錢。立效。

治臞脹方。

四五月將黃牛糞陰乾微炒黃香爲末每

服一兩煎半時瀉清服之。不過三服即愈。

解脹敷臍方。

治一切臞脹肚飽發虛。

大田螺一個雄

黃錢一錢甘遂末一錢麝香一分

分

先將藥末用田螺搗如泥。

以麝置臍放藥臍上以物覆之束好待小便大通去之。

重者用此相兼小便大通病即解矣。

治中滿臞脹。

陳葫蘆一個要三五年者佳以糯米一

斗作酒待熟用葫蘆瓢於炭火上炙熱入酒浸之如此

五六次將瓢燒灰存性爲末每服三錢酒下神效。

治臞脹方。

雄豬肚子一個入大蒜頭四兩加小檳榔

砂仁末三錢。木香二錢。砂鍋內河水煮熟。空心服。豬肚立效。

又。取舊葫蘆一個。浸糞坑內一月。取起掛長流水中三日。炒黑爲末。每兩加木香末二錢。每日空心砂仁湯送下二錢。

治肝氣方。
烏梅二個 鮮橘葉三錢 青鹽二分 真川椒二錢
右藥空心服。

痞塊

治痞塊方。
不問男女。左右癥瘕積聚瘧痞。收取水紅

花。卽水邊蓼 半老穗頭連葉帶子。曬乾不拘多少量用者。蒜

頭去皮膜。同放石臼內打爛。捏成餅。曬乾爲末。每觔入
蚶子壳煨灰研粉四兩。再將老蒜打膏爲丸。桐子大。每
服百丸。空心食後白湯下。一日三服效。

治大人小兒痞積。

將水紅花子爲細末。以麵和作一

處。少加麝一釐。放痞上。以熨斗烙之。數次卽愈。

又

水紅花子熬膏。入麝少許。貼之亦效。

治痞塊。

用水紅花新鮮者。同老蒜打爛。量入皮硝一

二兩。捏成餅。比痞塊大一圍。放痞上用袂紮緊。待乾再

換則痞亦消。

又

紅芥菜子

卽猪血芥

不拘多少。生薑汁浸一宿。大約芥

子一酒杯。加麝香一錢。阿魏三錢。同搗極爛。如膏藥攤青布上貼患處。外用汗巾紮緊。一宵貼過斷無不消。

又

名藥豬胞。

麝香

錢一阿魏

錢三

水紅花子

大黃

歸尾

甘遂

急性子

甘草

各五錢

右為細末。用

豬水胞一個。量痞塊大小。用尿胞大小裝入。乾燒酒半胞。將前藥末放入胞內。緊緊住口。用白布將胞兜紮於患處。俟塊化盡。即去之。不可遲也。

治痞塊八反膏。

鱉頭

莧菜

葱

蜜

甘草

甘

遂

莞花

海藻

阿魏

鱉甲

水紅花子

右應為末者為末。應搗爛者搗爛。入末再搗。如和不勻。

加燒酒調之。先以水調白麵作圈。圍痞上大六七分厚。其藥敷在痞上。外用錫注二把。放燒酒在內。熨痞上。冷則更換。至痞內動痛方止。明日大便下膿血。卽除根。

治氣癖。在小腹上攻衝心痛。用穿山甲片土炒脆爲末。砂糖調陳酒送下。每服三錢。止痛如神。如不能飲糖。酒調亦可。

化癖膏。治塊如活鱉能行動。諸藥不效者。每日空心。將靛花三四五匙。沖熱陳酒內。服至十日。卽不動。服一二月。卽消盡矣。外用敷之。

治大人小兒癖塊方。

甘草 甘遂

各三錢

礪砂

一錢

木鱉

子四個 莧菜三錢 鱉肉一兩 葱頭七個 右加蜜少許。搗

成膏。以狗皮攤貼。如藥乾。用葱蜜潤之。二次即消。

治癰塊方。腹中攻痛。面黃肌瘦者。愈有應驗。真陳阿

膠一兩 蛤粉炒 九製陳膽星五錢 人乳浸 川貝母一兩 去心麝

香四分 鱉甲三個 必要九骨 七骨者佳 真麻油炙 晚黃研以上五味共為

細末。用無蠟真柏油二兩。火鎔開後。入前藥末。在內攪

和。每服用乾腐衣。溫水浸軟。取乳腐大一塊。包藥約一

分五釐。不拘滾湯飯湯茶酒送下。清晨服三包。飯後服

三包。不必多服。柏油用三兩亦可。極重者兩料必愈。

治傷寒結胸停食方。陳香糟六兩 生薑四兩 水菖蒲根四兩

重... 卷... 三

鹽二兩 右炒熟為餅。敷胸前以火熨之。內嚮即去。如

口渴任吃茶水。待大便利下惡物即愈。

治腹內虫痛方。烏梅一老薑二樵子十花椒四

右加黑糖少許煎服虫盡出矣。

膈

治膈食膨脹效方。五六月用老生薑二三觔或四五

觔放在竹篾內或麻布袋浸在糞缸內七日取出洗淨。

竹刀刮去皮切片空中吊著陰乾為末每服三錢火酒

調下不過三服即愈。

治一切痰膈食膈效方。

黑砂糖一連皮老生薑一

將二味共搗如泥。成膏入磁罐內封固埋乾燥淨黃土地內。七日取出。每日和滾水服之。

繆仲淳秘傳膈噎膏。人乳。牛乳。蔗漿。梨汁。

蘆根汁。龍眼肉濃汁。薑汁。人參濃汁。右七

味俱等分。惟薑汁少許。隔湯熬成膏子。下煉蜜徐徐頻服之。其效如仙丹。更須安心平氣。勿求速效。

又。好陳酒一。米糖十。貝母二。砂仁二。廣木香二。廣陳

皮二。右咀片入磁瓶內。箬葉紮緊上放米一撮。重

湯煮以米熟為度。每日清晨服一大杯。藥完病痊。

又。糖坊內上好糖糟一觔。加水薑四兩。先將糟打爛

和薑再搗。做小餅曬乾。放磁瓶內。置竈煙櫃上。每日清晨。將餅一枚。泡滾水內。少停飲湯。已經屢試屢驗。

治噎食。

生藕汁

生薑汁

雪梨汁

蘿蔔汁

甘

蔗汁

蜂蜜

白菓汁

竹瀝

右各一盞和勻。飯

上蒸熟。任意食之。

治翻胃膈氣。此症必起於腸枯血燥。大便三四日一次。

糞如馬栗。若如羊屎者不治。口常吐白沫者不治。

牛乳 羊乳 人乳 不拘分量。總宜常服。生血潤腸

之妙藥。

又 青州柿餅五六枚。飯上蒸熟食之。不用湯水。常服

即愈。

治噎膈氣不通方。

用雞嗉燒研。入木香丁香沉香紅

棗丸服。

治膈氣暫開關方。

用荔枝一個去核。將蜒蜥一條放

在荔枝肉內。將冰片三四釐摻在蜒蜥上。即將荔枝肉裹好。仍放在荔枝壳內熬好。即令病人含在口內。有冷涎水滲出。可徐徐咽下。俟一時許。蜒蜥即化完。亦無水滲出。令病人連壳吐去。只服一次。可以立進飲食。逾四五月。但不可病人知之。恐其嫌穢不肯吃也。

便閉

五子丸。治老人大腸燥結等症。火麻仁 紫蘇子

松子肉 杏仁炒去尖 芝蔴炒 共研如泥。磁器收貯。

每服一丸。彈子大。蜜水化下。

治大便不通。皮硝三錢水化開 香油一盞 皂角末五分

右三味入豬胆內。再用竹管一頭入胆口內。用線紮緊。

一頭入穀道內。用力將豬胆一擠。其藥入臟。立通。

治大便秘結。用雞子白一二枚。生食即愈。

治老人大便艱澀方。熟地三錢 山藥四分 山萸肉一錢 茯苓

丹皮一錢 澤瀉一錢 人乳半杯 白蜜五錢 先將六味煎湯去

渣。後入人乳蜜煎一沸。空心溫服一二劑愈。

治小便不通。獨囊大蒜一個。梔子二十個。鹽一匙。共搗敷。

臍中良久即通。若不通。敷陰囊上立愈。

治中暑大小便不通。用田螺三枚搗爛入青鹽三分。

攤成膏貼在臍下一寸即愈。

風寒濕痺

治太陽風寒頭痛及半邊頭痛。生薑三片將桑皮紙

好水濕入灰火中煨熟乘熱將印堂兩太陽各貼一片。

以帶纏之立愈。

治半邊頭痛。因風寒而起者更效。肉桂心一分。麝香一分。

人言一。蘆一。北細辛半。辛夷半。胡椒十粒。共為末。用棗肉搗。

丸如豌豆大一粒。放膏藥中心。貼准太陽穴內。一日見效。如壯年火盛者。愈後服黃芩大黃瀉火。則目自愈。

又

白芷

細辛

石膏

乳香

去油

沒藥

去油

右等分

爲末。吹入鼻中。左痛吹右。右痛吹左。

又

此治暑天甚怕風。亦欲綿裹頭。極重之症。

用鷺

兒不食。草陰乾。將上好燒酒浸一宿。日間曬乾。晚間又浸如此七次。若右邊痛。將此草塞右鼻。左痛塞左鼻。約一時許。鼻流冷水盡。卽愈。

治箭風方。

俗名鬼箭打。或頭項手足筋骨疼痛。半身不

遂等疾。照方一服。卽愈。真仙方也。

山甲

一錢炒研

白薇

二錢 澤蘭 三錢

照分量好酒煎服

治一切麻木痺症。痛風。歷節。虎骨木通煎湯。頻頻多

吃即愈。

治痛風。歷節四肢疼痛。用醋磨硫黃敷之。或用蔥白

杵爛炒熱熨之。

又 紅花 白芷 防風 各五錢 威靈仙 三錢

酒煎服取

汗三服全愈。

治脚氣。足疾腫痛拘攣。川牛膝 威靈仙 各等

分爲末蜜丸。每服五十丸。空心服。

治痺方。眞茅山蒼朮五觔。洗淨泥垢。先以米泔水浸

三宿用蜜酒浸一宿。去皮用黑荳一層拌。蒼朮一層蒸。二次再用蜜酒蒸一次。用河水在砂鍋內熬濃汁去渣。隔湯燉滴水成珠為度。每膏一筋和煉蜜一筋。白湯調服。一老人專用此方。壽至八十餘。身輕體健。甚於少年。

治風寒濕痺藥酒方。

川羌錢一 川桂枝錢一 歸身錢一 秦

朮錢一 金毛狗脊錢一 虎骨錢一 防風錢一 杜仲錢二 川斷錢一

川芎錢八 晚蠶沙錢二 熟附子錢一 加桑枝三錢 生薑一大

片大棗二枚 陳酒二觔 浸煎服

治濕氣初起法。

嫩松枝 小松秧不拘多少 將二味入

石臼內搗爛。傾入陳酒。絞取濃汁。燉熱。隨量飲。醉醒時痛即止。多飲幾次更好。

七製松香膏。治濕氣第一神方。松香三觔。第一次

薑汁煮。第二次葱汁煮。第三次白鳳仙汁煮。第四次燒

酒煮。第五次開楊花汁煮。第六次商陸根汁煮。第七次

紅醋煮。桐油三觔。川烏。草烏。蒼朮。官桂。乾薑

白芥子。草麻子以上各四兩。血餘八兩。右八味共入桐

油熬至藥枯髮消。滴水成珠。濾去渣。入牛皮膏四兩。烱

化。用前製過松香。漸漸收之。離火。加樟腦一兩。好麝香

三錢。厚紙攤之。貼患處。神效。

九製松香膏 名九汁膏 上好片松香三觔用清水煮

烱拉拔過傾去水再換水煮再拉拔換水如此以十徧

為度將松香研末用薑汁葱汁白鳳仙汁燒酒開楊花

汁商陸根汁韭菜汁童便挨次將松香拌浸透曬乾作

八次製過其第九次將好醋少許不可多再拌松香曬

乾研極細末 川烏 草烏 蒼朮 上肉桂 白芥

子 乾薑 葶麻子 以上各四兩 血餘 八兩 另用桐油三觔

浸藥春五夏三秋七冬十日熬枯瀘去渣再熬先入廣

膠四兩俟溶化後將製過松香末篩入收之離火入樟

冰一兩待冷入麝香二錢攪勻收貯攤貼神效

見眼膏。專治風寒濕氣骨節疼痛。歷節痛。風痿痺。麻木。不仁。鶴膝風。偏頭風。漏肩風等症。並治跌撲閃判等傷。陰症無名腫毒已破爛者勿貼。小兒孕婦勿貼。

活短頭髮曬乾二兩用壯年人剃下者 大黃 靈仙 雄鼠糞各一兩

川烏 草烏 劉寄奴各八錢 土鱉虫大者三十個 羌活 獨

活 紅花 蛇牀子 蒼朮 當歸 生南星 生半

夏 白芥子 菴仁各五錢 右十八味俱切碎 樟冰

一兩 甘松 山奈 花椒 豬牙皂 山甲炙研 蕁撥 沒

藥以上各三錢不必去油同 乳香五錢 白芷五錢 右十味

研極細末 鮮鮮煙葉汁一筋松香六兩收曬乾 鮮鮮商陸根汁

一筋松香 鮮鮮開羊花汁 半筋松香 鮮鮮艾葉汁 半筋

六兩收 三兩收 白鳳仙花汁 半筋松香 老生薑汁 半筋松香 葱汁

半筋松香 韭汁 半筋松香 大蒜汁 四兩松香 用足秤。

三兩收 三兩收 秤麻油二筋四兩先將頭髮入油熬半炷香再將前藥

入油熬至焦黃色不可太枯即濾去渣入前松香熬化

再將絲綿濾去渣再熬至油面起核桃花紋先加入極

細蜜陀僧四兩再徐徐加入好西硫黃末一筋投此二

味時務須慢慢灑入不可太多太驟以滴水成珠離火

待溫然後摻入細藥攪勻磁器收貯熬時須用桑枝不

住手攪青布攤貼每張淨藥重四錢臨時加肉桂末五

釐細辛末二釐。

集寶療痺膏。川烏 草烏 南星 半夏 當歸

紅花 羌活 獨活 大黃 菴仁各四錢 山甲一兩 白芷

五錢 肉桂一兩 麻油一觔 汁一 薑汁一 松香一觔 陀僧二兩 硫黃

半觔 右收煎好加乳香沒藥血竭胡椒樟冰細辛牙皂

末各二錢。若加商陸根鳳仙鬧楊花鮮烟葉鮮蒜鮮希

蘇等汁更妙。

摩腰膏。治老人虛人腰痛。婦人帶下清水不臭者。虛寒

者宜之。附子 川烏 南星各二錢半 川椒 雄黃

樟腦 丁香各一錢半 乾薑一錢 麝香一分 右為末蜜丸彈子

大用生薑自然汁化開如糜。蘸手掌上烘熱。摩腰中痛處。卽以煖帛紮之。少頃其熱如火。每日飯後用一丸。

摩風膏。治風毒攻注筋骨疼痛。草麻子淨肉研川

烏頭生去皮五錢乳香一錢半研右以豬油研成膏烘熱塗患

處以手心摩之覺熱如火效。

治寒濕氣方。真白芥子研爛。陳窰醋調攤厚雙皮紙

上做夾紙膏。以針密密刺孔。先將新棉花薄薄鋪一層。

放在患處。然後將夾膏貼在棉花上。片時卽似火燃熱。

過卽揭去棉花。以薄爲妙。此膏不可預製。須要臨時

調合。攤就卽貼。

針灸

雷火針。治風寒濕毒。畱住經絡。痛腫不散者。蒼耳

子肉去油乳香 沒藥各三錢羌活 川烏 穿山甲土炒丁

香 麝香 茯苓 豬苓 黑附子 澤瀉 大茴香

白芷 獨活 廣木香 肉桂各一錢 右共研細末

和勻。先將蘄艾採綿。用紙二層鋪於上。捍薄。以藥末摻上。要極密。外用烏金紙捲緊粘固兩頭。用線紮緊。用時以手捺患處。用墨點記。將針在火上燒著。用紅布二三層鋪於痛處針之。

又 蘄艾一兩搓熟成絨辰砂二錢乳香 沒藥 雄黃 莢樹

皮 川烏 草烏 硫黃 山甲各一錢 麝香五分 右爲

細末作針按穴針之。忌尻諸神值日。

三氣合痺針。 乳香 沒藥 牙皂 羌活 獨活

川烏 草烏 白芷 細辛各五分 肉桂 蒼朮 雄黃

硫黃 山甲 樟冰各一錢 麝香三分 艾絨一兩半 作針

百發神針。 治偏正頭風。漏肩。鶴膝。寒溼氣。半身不遂。手

足癱瘓。痞塊。腰疼。小腸。疝氣。癰疽。發背。對口。痰核。初起。

不破爛。俱可用。各按穴針之。 乳香 沒藥 生川

附子 血竭 川烏 草烏 檀香末 棗香末 大

貝母 麝香各三錢 母丁香四十粒 淨蕲艾綿一兩或二兩 作針

消癰神火針。蜈蚣一條。木鱉。五靈脂。雄黃。乳香。

沒藥。阿魏。三稜。蓬朮。甘草。皮硝各一錢。聞。

羊花。硫黃。山甲。牙皂各二錢。麝香三錢。甘遂五分。艾絨。

二兩作針

陰症散毒針。乳香。沒藥。羌活。獨活。川烏。

草烏。白芷。細辛。牙皂各五分。硫黃。山甲。大貝。

五靈脂。肉桂。雄黃各一錢。蟾酥三分。麝香三分。艾絨一兩。

半作針

香硫餅。治寒溼氣。麝香二錢。辰砂四錢。硼砂二錢。細辛四錢。

以上俱為細末。角刺二錢。川烏尖。酒半助煮乾為末。硫黃六兩。四錢。

右先用硫黃角刺川烏入銅杓內火上化開再入前四
味末攪勻潑在乾淨土地上候冷取起打碎成黃荳大
用時以乾麩捏成錢大比錢薄些先放在患處置藥一
塊在上以香火點著連灸三火即愈

蒸法 治腿膝疼痛風寒溼三氣傷於足膝名爲足痺。

川椒

把一莖三大

鹽

把一小麥麩麵

四五

右用醋和溼潤

得所炒令極熱攤臥褥下將所患腿脚就臥薰蒸薄衣
被蓋得汗出勻遍約半個時辰

待一兩個時辰覺汗稍解勿令見風立效。

戩寒溼痺痛麻木不仁妙方

川烏

草烏

萆撥

甘松 山奈 各五錢 右爲末炒熱布包熨痛處神效。

熨背法。治胸背疼痛而悶因風寒溼而起者。肉桂

心 附子 羌活 烏頭 細辛 川椒 各一錢半 川芎 一錢

右共爲細末以帛包之微火炙令暖以熨背上取瘥止。

黃疽

治疸神飲。將茵陳草煎濃湯每日以多吃數爲妙要。

忌暈腥魚肉并忌鹽味而淡食則能速愈此草真治疸

神藥也若腹中不快量加神麩麥芽同煎服之更無他

藥功能勝此者若小便不利或以車前子湯同吃或用

瓜萸根打汁碗許服連服更效。

割黃疸方。

雄鯽魚

一個去頭骨止用背上肉兩塊

胡椒

每歲一粒至十粒止研細

麝香三分

右二味同春爛麝香另加不必同春恐粘染

白上將蛤蜊壳填滿合於病人臍上用絹縛緊一日夜

即愈。

河白

治河白良方。

將梔子黃同雞子白飛麵搗成餅貼臍

內再以茵陳草 通草 甘草 燈草 煎湯服之。

名四草湯。

中暑霍亂

治中暑昏眩煩悶欲絕急救方。

取田中乾泥做一圈。

堆在病人肚上。使少壯人撒尿於泥圈肚臍中。片時即得生矣。甦後不可飲冷湯。須進溫米湯。

又。挖地深三尺。取新汲水。傾入坑內。攪濁飲數甌即愈。

浴中暑法。用大蒜一握。同新黃土研爛。以新汲水和之。濾去渣。灌入即活。凡中暑傷暑。不可便與冷物。俟稍甦。方可投冷物。則中氣運動無患也。

治傷暑霍亂神方。

絲瓜葉片。白霜梅肉一枚并核中仁。

右同研極爛。將新汲水調服。入口立瘥。切不可即飲熱湯。

又 取扁荳葉搗汁一碗飲之立愈。

治傷暑急暴霍亂吐瀉方。

陳皮

藿香各五錢

右用

土澄清水二杯煎一杯服之立愈。

急救霍亂吐瀉抽筋危症方。

不問轉筋霍亂令人偃

臥將膝下腕內以手蘸溫水輕輕急拍直待紫紅筋現起用磁鋒刺出血立愈此名委中穴在膝後對面。

治乾霍亂煎方。上不得吐下不得瀉身出冷汗危在頃

刻者。

食鹽一兩薑五錢
兩片

同炒變色以水一大碗煎

服吐出自愈不可熱服好後切不可遽吃飯食俟餓極後方可吃稀粥。

治乾霍亂方。 只一樣腹痛絞痛不可忍者。切不可吃藥。并熱湯水。一吃即死。將冷水一碗。調入食鹽二三錢。吃下吐則再吃。多吃多吐。則邪散而愈。

消渴

玉泉散。 治消渴之神藥也。 白粉甘葛 天花粉

麥冬 生地 五味子 甘草 糯米 右服一劑

還津丸。 生津止渴。 霜梅 烏梅 各二十五個俱去核 蘇薄荷

末 冰片 一分 硼砂 一分 共研極細為丸。每含一丸。

津液立止。

消渴潤燥方。 白蜜 人乳酥 各一 右溶化一處。每

重刊全人、夏方 卷二 五

日不拘時服。

消渴方。用繅絲湯飲之。

瘟疫

辟瘟丹方。此藥燒之能令瘟疫不染。空房內燒之。可辟

穢惡。乳香 蒼朮 細辛 川芎 甘草 梛香

各一兩。再加檀香一兩亦可。共研細末。棗肉為丸。如芟

實大。

神聖辟瘟丹。蒼朮為君 倍用 羌活 獨活 白芷 香附

大黃 甘松 山柰 赤箭 雄黃各等分 右為末

麵糊丸。如彈子大。黃丹為衣。曬乾焚之。

治大頭瘟方。頭面腮際腫脹極大寒熱交作甚者崩裂

出膿不可敷藥恐邪氣入內以至於死。人中白
馬

桶底下火煨研末每服二錢白滾湯調服。
尿垢也

又將好青黛末白滾水調服二錢。

又只用馬藍頭一把搗汁將鷲毛搽上一日五六次。

熱氣頓出親驗真神方也。

治抱頭火丹。即大頭瘟。將扁栢葉搗爛用雞子清

調敷神效。

治鷓鴣瘟方。兩腮腫脹憎寒惡熱者。外用赤豈半

升為末水調敷或用側栢葉搗爛敷之內用薄荷濃湯

熱服。

痧

治痧脹腹痛方。

凡痧脹夏月多患此症。面色紫赤。腹

痛難忍。使飲熱湯便不可救。即溫湯亦忌。如遇此症。速

取生黃芩。咀嚼嚥下。約至數口。立刻止痛。平人食生薑。

最引惡心。止有痧脹人食之。反覺甘甜。不知腥氣。此方

既可療病。且可辨症。真奇方也。

沉香鬱金散。

治痧氣寒凝。以及腹痛。

沉香 木香

鬱金 各一錢

烏藥 三錢

梛香 二錢

細辛 五錢

右忌見火。生研

為細末。每服三分。將砂仁湯稍冷送下。

痧藥方。名火龍丹。牛黃錢一麝香錢二冰片錢二硃砂錢二

研飛草撥錢一真金箔張一百雄黃三兩火鎗硝兩一礪砂錢五牙

皂錢一各研極細端午午時合如痧脹腹痛將此藥嗅

鼻中并放舌尖上吃下亦可。

又 名蟾酥丸。雄黃錢三麝香分三木香錢一丁香錢一上俱不

見蒼朮錢三蟾酥錢一石菖蒲錢一山茨菰錢一右共為

末。火酒化蟾酥為丸。如粟米大。硃砂為衣。如難丸少加

米飲。每用二三丸。放舌尖上化下。加入西牛黃金箔。端

午日午時合尤妙。

又 沉香鎊斫母丁香 硃砂水飛雄黃以上各廣木香

一兩 麝香錢三 茅山蒼朮米泔浸去毛淨末二兩 真蟾酥錢三 右俱忌

見火為細末各種准分量將火酒化蟾酥為丸如丸不

就少加米飲丸如粟米大每服二三丸放舌尖上化下

神妙痧藥方 北細辛三兩 荆芥六錢 樟香末二錢 鬱金一錢

右共為末每用一茶匙放舌上冷茶送下或津唾嚥下

白痧藥方 白胡椒一兩 牙皂一錢 火硝 檀香末 明礬

丁香 蟾酥以上各三錢 北細辛二錢 冰片 麝香各五分

金箔量加

瘰癧

內消瘰癧痰毒方 未穿破者為痰核已穿破者為瘰癧

三五個連者爲痰串。用羊角數對。以威靈仙四兩。

共入瓦罐內。加清水煮數沸。候角軟取出切薄片。用新瓦燒紅。將角鋪上。焙炒過。研細。每灰一兩。加廣木香一錢。白芥子三錢。共爲末。煉蜜爲丸。用栳榔煎湯下。或夏枯草湯下亦可。服至七日後。大便下如黑羊屎。小便出黑水。自消。婦人如爛開兩脇。服之亦效。忌生冷煎炒房事。

內消瘰癧應驗方。

土貝母

白芷

各五錢

共爲末。糖

霜調陳酒下三錢。重者三服愈。

治痰核方。

半夏末。川貝末。各一分。用雞蛋大頭穿一

孔不破內膜。入藥在壳內膜外虛空處。如虛人。再加人參末三分和入。以紙封固。豎飯鍋內蒸熟吃之。每日一個人之自愈。

又 每雞子一個。入貝母末三匙。照上法蒸熟。夏枯草湯。或銀花湯下。

取癰核法。名提癰丹。 水銀 硼砂 火硝 明礬

皂礬 食鹽各一兩 硃砂二錢 用粗瓦盆放前藥上。合粗

碗一隻。鹽泥封固。炭火煉三炷香。先文後武。冷定取出。昇在粗碗上藥。白米飯搗丸。葦葢大。硃砂為衣。每用一丸。放瘡上。棉紙封二三層。一日夜急揭起。則核隨紙帶

出丸可再用。

治瘰癧方。

好胡莢一枚。劈做兩半。將一半挖去肉。以

蟬脫塞實對合。用山泥包好。煨存性。研細陳酒下。每日

服一枚。一月愈。

治瘰癧結核。

九真藤即何首烏藤洗淨。日日生嚼。并取葉

搗塗之。

蝙蝠散。

治瘰癧多年不瘥。

蝙蝠一個貓頭一個右同

燒作灰。撒上黑荳。煨其灰骨化。碎為細末。濕即乾。摻乾

則油調敷。內服五香連翹湯效。

治痰核瘰癧方。

用鼠糞揀兩頭尖者為雄。兩頭圓者

爲雌。揀開各曬乾研末。男用雌。女用雄。將雞子一個。頂上打一小洞。傾去白。但存黃。入鼠糞在內。以滿爲度。攪勻。用皮紙封固小洞。飯上蒸熟去壳。臨睡時搓碎。好酒送下。隔一日再服。雖遠年破爛者。不過三四枚而愈。未破者卽消。

燕鼠膏

治療癰痰核。瘡疽發背腫毒。

全蝎

熱水浸透洗三

次曬乾淨二兩

白芷

黃連

黃柏

黃芩

當歸

山甲

各一兩

生地

赤芍

各五錢

官桂

二兩

海藻

二兩五錢洗三次曬乾

番木

鱉五錢切碎

用麻油一觔四兩。浸藥五日。熬焦黑色去渣。

將淨油秤準每油二兩。用飛淨黃丹一兩。收滴水不散。

先入白占一錢五分。黃占三錢。即下黃丹。再下杭粉一

兩。用桑枝不住手攪成膏。候冷入水浸三四日。再用文

火溶化。再入沒藥三錢阿魏三錢麝香一錢血竭二錢朝

南燕窩泥五錢雄黃一錢硃砂一錢兩頭尖七錢白昇丹四錢以

上各藥為極細末入膏內攪極勻。用時隔湯溶化攤貼。

勿見火。白昇藥方。水銀 皂礬 火硝 白礬

炒熟鹽 共研極細。照昇三白頭法昇之。

治癰癤敷藥方。瘡已破膿正多。瘡正腫。用此敷之。呼膿

退腫。蚯蚓糞韭菜地細芽茶炒灰肥皂核獨活者

蜣螂虫用泥包壁虎瓦上貓頭骨炙雄鼠糞焙右各

等分。共爲細末。和生麻油調敷。每日清晨。用藥湯洗淨。敷之。一日洗五六次。敷五六次。待膿乾。卽用膏藥貼之。

敷痰核癰癤方。

生南星 生半夏 海藻 昆布

各二錢 麝香 各二分 冰片 各二分 紅花 牡蠣 各二錢 青鹽 六分 右

俱生研極細末。另將白芨兩許。切片煎膏。和前藥做成挺子。曬乾。用時磨敷。

又 生南星 生半夏 生大黃 各一兩 大貝母 昆布

海藻 海浮石 銅綠 明礬 各五錢 右用商陸根汁。

葱汁 薑汁 蜜 四味調敷。

又 用鉛三兩。鐵器中熬久。當有腳如黑灰。取此灰和

脂塗癰上。或用醋調塗。以舊帛貼之。數換舊帛。拭去惡汁。又貼如此半月許。不痛不破。不作瘡。內消為水而愈。
大紅膏。治痰核癰癤。不分新久。未穿破者。南星二兩。

銀硃 血竭 消石 潮腦各三錢 輕粉 乳香各二錢 貓

頭骨一具 石灰一兩 大黃五錢 切片同石灰炒。右共為

末。陳醋熬稠。調藥敷核。三日一換。敷後縐皮。核不消者。

另換紫霞膏貼之。其核自消。

痰核癰癤膏。治未穿破者。貼之即消。貓頭骨牙爪

一付 火煨 蜚螂虫炙 磁石醋煨各五錢 乳香 沒藥各一錢 去油

生明礬五錢 入雄豬腳爪壳內煨存性 海藻一兩 大貝母一兩 草麻子肉五錢

用麻油四兩同上海貝麻三味熬至滴水不散。濾去渣。入乳沒再熬。將稠離火。乘滾入貓頭蜣螂磁石飛礬。攪勻。燉冷水中出火氣。乘軟取起打條。臨用攤貼。凡去渣後入細藥時。仍用青州丹少加松香黃蠟看老嫩得宜。方入貓頭等末。始易成膏。如已穿破再取客廁梁上塵加入。

治痰核癰瘡立消膏。

五臺頭草汁四五碗煎至數十

滾。用松香半觔收乾汁水。用蘇油四兩煎熬滴水成珠。松香收油成膏。用草麻子肉三兩干搥成膏。要紅加銀硃。要綠加銅青。要黃如雄黃。各一兩。再五臺頭草收入。

瓶內作爛去渣取汁亦妙。

瘰癧收口藥方。

龜版煨過埋地中四十九日如要緊埋七日亦可

青葉乾陰

煨

右同研細末收口神效。

瘡

治三日大瘡神妙方。

用活大烏龜一個連壳左右肩

上各攢一孔近尾處亦攢一孔以明雄黃九錢研細每

孔摻入三錢外以磁黃泥包固勿令泄氣炭火上煨存

性研細每服准一錢空心陳酒送下二三服即止。

又用陳香圓一個去頂皮大者每隻加透明雄黃三

錢中者二錢小者一錢雄黃須研細摻入香圓內炭火

中煨存性。再研極細。每服七分。用軟腐衣分作六七包。乾咽下。此日不可吃湯水。任其嘔去。頑痰即愈。

截瘡丹。斑猫 巴豆肉 硃砂各一錢 麝香二分 雄黃一分

五分蟾酥五分 右用黑棗二三個搗丸。如棗荳大。貼眉心

穴。一周時揭下。投長流水中。

又 只聞香氣。不必煎食。亦可愈瘡。常山 草菓

川烏 草烏 陳皮 甘草各一錢 右將絹袋盛貯。聞

於鼻間即止。

貼臍截瘡丸。胡椒 雄精 右二味等分研末。將飯

研爛為丸。如桐子大。外以硃砂為衣。將一丸放在臍中。

外以膏藥貼上。瘡卽止親驗。

治諸瘡代參丸。

白朮一筋土蒸生薑一筋搗出汁搽白朮渣曬乾

右為末。將黑棗一筋。煮爛去皮核為丸。

治瘡方。虛寒瘡更效。孕婦忌貼。桂心一分麝香釐川

椒七粒雄黃七釐共研極細末。納臍中。外以膏藥貼之。

治不論雙單瘡方。用大葶薺將好燒酒自春浸至秋

間。如瘡至不食飲食。食則脹滿不下者。每日服葶薺兩
個。三日即愈。

泄瀉

治老幼脾瀉久不愈神方。

飯鍋粳四兩淨末蓮肉四兩去心淨末

白糖兩四。右共和勻。每服三五匙。一日三次食遠服。

止久瀉丸。治一切久瀉。諸藥無效。服此一服自愈。

黃丹飛過 枯礬 黃蠟各一兩 石榴皮入錢炒 將蠟溶化。小銅

杓內。再以丹礬二味細末投入。乘熱為丸。如荳大。空心

服五丸。紅痢清。茶下。白痢薑湯下。

治白瀉不止神效方。乾飯鍋粬二兩 松花二兩 臘肉骨

頭五錢 烘脆 共為末。砂糖調。不拘時服。即止。

治脾泄方。陳火腿骨煨存性 紅麴 松花 右三味

各等分。砂糖調。陳酒送下。

痢

治痢初起法。不問男婦室女。妊娠小兒。皆能治之。無有

不效。白蘆薈二三觔。洗淨連皮。放石臼內搗碎。絞

取濃汁。如十歲以內小兒。每日吃一飯碗。大人每日吃

二三飯碗。俱要冷吃。不必見火。忌葷腥雜味。併治疫痢

如神。

又。水晶糖四兩。如赤痢用濃苦茶一杯。白痢用薑汁

一杯。赤白兼痢用濃茶薑汁各半杯。將水晶糖入內燉

烱服。見糞即愈。吃至二服。無不見效。親驗。

治噤口痢。此係元氣虛極者。人參錢三石蓮肉炒二錢

黃連錢一鮮荷葉片一老黃米撮一水二鍾煎六分入木香

末三分。和勻服。積未淨者。加山查二錢。板榔枳壳各七分。

又 米粒不下。百藥不效者。用五穀虫。焙乾爲末。每

服二三錢。米湯下。

又 不能飲食者。用烏梅肉和麩。搗爛成丸。含口

內。片時。卽能飲食。烏梅渣不宜嚥下。

又 蒼朮 甘草 陳皮 厚朴 右各等分爲粗末。

用布包之。放在肚上。將熨斗盛火。熨布上。逼藥氣入腹。病者覺腹中爽快。卽將藥放枕頭下。以受藥氣。一日連熨三四五次。痛痢漸止。口中卽飲食矣。

治赤白痢并水瀉。車前子炒紅麴炒赤石脂滑石

右各等分爲末。砂糖調。每服三錢。滾水送下。一服

卽效。

治赤白痢。不論初起久痢俱可用。柿餅一個。開一

口。入白蠟三分在內。將紙包好。紮住。以水溼透紙。放在

灰火中。煨熟食之。大人兩個。小兒一個卽愈。

治赤痢。木耳灰槐米灰紅麴灰砂糖調空心

服。

治赤痢久不愈者。初起者宜先服通利清溼熱之藥。幾

劑。然後用此方。用鮮鮮紅菱連壳搗爛。絞自然汁。

一飯碗露一宿加白糖霜少許隔湯燉略溫清晨空心服每日一服兩三服必愈加糖者恐其味濇也如不畏濇即可不加。

香參丸 治痢極效百發百中之藥也 木香四兩苦參

酒炒 右為末將甘草一筋熬膏丸桐子大每服三錢

六兩 白痢薑湯下紅痢甘草湯下噤口痢砂仁蓮肉湯下水

瀉豬苓澤瀉湯下

治久痢如神 用刀荳莢飯上蒸熟洋糖蘸食一二日

即愈。

又 陳火腿骨煨存性 黃連薑汁炒 砂糖炒乾 烏梅肉

四錢 一錢 四錢

分五 右共為末。將烏梅煮爛搗丸。每服三四十九丸。空心

黃米湯下。

治久痢虛滑不禁。可以實腸。裏急後重腹痛者。不可服。

用臭椿樹皮根。切碎酒拌炒為細末。用真阿膠水

化開和為丸。如桐子大。每服三五十九丸。空心米湯下。

治久痢。初起者不可服。

松花三錢地榆二錢乾荷葉二錢

臭椿樹根皮

一兩取向東南者去外粗皮

右為細末。白痢紅糖調。

紅痢蜜調。紅白相兼蜜與糖調。加溫水少許。每服二錢。

忌麪食葷腥油膩等物。

又

烏梅

四個煨略存性

白滑石

淘淨二錢

臭椿樹根皮

兩取在土者剝淨

皮曬乾
為末

右用陳米飯搗為丸。每服四五十九。空心米

湯下。

治痢方。不拘赤白泄瀉。痢至八九年者。三四服即愈。

香茹

二十兩

藿香

十兩

蘇葉

七兩

木瓜

五兩

檀香

二兩

木香

二兩

赤苓

五兩

甘草

一兩

厚朴

五兩

枳壳

五兩

右為末

蜜丸

彈子

大小

大約重二錢。每服一丸。白痢淡薑湯下。紅痢木香湯下。

其餘開水下。

治久瀉久痢方。

陳石榴皮酸者焙乾。研細末。每服三

錢。米飲湯下。患二三年。或二三月。百方不效者。服之即

止。不可輕忽。

治休息久痢。但痢而後無重痛者。用壯大豬小腸

一條。不落水。將箸頂翻轉。出腸中油膩穢濁。刮下。但將刮下之物。在瓦上炙焦乾。存性研末。用砂糖少許。空心調服。一條腸垢大者。分作二服。小者。只作一服。若翻轉腸內有糞。先去其糞。但刮其近腸之血膩油垢。炙用。重者。吃兩三條腸垢。必愈。

治赤白久痢。腹中不痛者。桂圓七個。粟壳七個。荔枝七個。

建蓮七粒。去心。水二碗。煎八分。空心服。朝服。可以一日晚

服。可以一夜不痢。親驗良方。

治毒痢方。下膿血者是。金銀花一兩。煎湯送。香連

丸三錢。

脫肛

潤腸散。治痢後脫肛。

驚頭灰 五倍末 伏龍肝

生礬末

赤石脂

訶子肉

各五錢 俱曬乾

右為極細末。

葱湯洗淨。摻於腸頭上。頻頻換之。以愈為度。

治脫肛方。

名楛礬煎。

五倍子

三錢

白礬

少許

右為末。

水一碗。煎湯洗之。立效。

若婦人產後脫肛。五倍子末

摻之。

縮肛散。

驚頭

一個 煨

枯礬

三五分 煨三分

共研極細

摻之。

又用爬牆草煎湯溫洗。浸肛隨浸隨縮上。此草地
上生根。一路沿牆而上者。但有二種。一種葉大似絲瓜
葉者。不可用。須小葉如茶匙樣光亮者。

痔漏

縮痔秘方。內痔落下。用大團魚頭一個。火煨爲末。

搽痔上。卽刻收進。親驗。

治外痔疼痛坐臥不得者。大田螺入九個。將針挑開。

醫蓋入冰片白礬末少許在內。以螺尖埋土中。令其蓋
仰上。經一宿取螺水。以雞毛搭痔上。六次卽消愈。

薰洗痔方。五楮子三四個皮硝撮水二碗煎濃。先薰

先後洗一二次即愈絕妙。

治痔漏丹方。名長明酒。用積年舊琉璃燈洗淨油

膩火煨研細以紅酒服四錢。不過七日其管自去。

點痔方。銀硃三錢大雄黑背蜒蝥三條共搗爛用鹽泥

封固作糲要畱一孔。火昇煙盡為度。取出用田螺水調

搽即縮上不用銀硃。將上好黃丹拌之亦效。

又 蜒蝥一條冰片五釐胆礬二釐和化蜒蝥水點之。

止痔下血方。蜒蝥一條用鹽泥裹煨通紅去泥用礪砂 硃砂 雄

黃 冰片 共為極細末。入龍骨少許更妙。大便時乘

其脫出以細草紙盛藥少許託之。使入大效。

治痔漏方。新象牙屑二觔為末。每早用熟雞子三個。

將牙末和吃。或入稀粥內吃亦可。服盡一料自愈。

又

露蜂房

一大個每孔入鹽填滿煨存性

殭蠶

二錢

蟬蛻

木香

各三錢

象牙末

猪胰油

打爛

猪懸蹄

蜜炙各五錢

白頸蚯蚓

用石壓去血陰

陽瓦焙乾淨末一錢

右共為細末。用黃占半觔溶化。將藥漸入

搗勻為丸。如棗核大。每服一丸。空心好酒送下。連服三

丸。瘡口自消。隔一日。第五日再服一丸。第七日再服一

丸。痔管自退出矣。將玉簪花根三段。三日搗爛。搽上自

愈。

又 名蝨蟾丹。

蝨蟾

十數條將黃泥做成小管如筆管大入蝨蟾在內上以磁黃泥

塗護之以鐵絲捆緊外再以鹽泥封固炭蟾酥一熊胆
火煨以煙盡為度取出去火毒為未貳錢

入麝香五分冰片三分看漏淺深用飯粒為條插入盡頭

久者五六條近者二三條其管化為膿水用洗藥洗

方 烏柏樹根皮 枸杞根皮 槐花 五味子

水楊樹桿鬚 瓦花 黃栢 荔枝草 右煎湯大

鍋先薰後洗再以十寶丹收口 十寶丹方 龍骨

入象皮七分琥珀六分血竭五分黃丹五分冰片四分珍珠二分腐

黃二分乳香 沒藥 各一錢 共為細末收貯聽用

痔漏退管方 象牙末 二人腳指甲 錢五分 牛骨腮 兩

豬腳格 兩 炙一 刺猓皮 鍋內蜜 滾炙乾 右為末再將地榆槐

角二味。入豬臟內。煮熟搗爛。共搗蜜丸。每服三錢。

空心滾湯送下。其管自出。半月即愈。

又 白鴿糞一升。放確內。以滾水沖入確中。乘熱病人

坐於確口上薰之。其管自落。數日即收口。要坐久忍痛。

又 用豬臟頭水煮爛。或鹽或醬油蘸吃。每日吃一個。

吃至二三百個。必愈。若脾胃畏油膩者。只吃近肛門處

管一段亦可。再每日切葶藶蒂一片。吃數片。二物常兼

吃更妙。

又 金餘即人手指甲 銀餘即人腳指甲 二味不計。真血餘分量均在黃沙內炒脆

二血珀五錢 黃牛角腮火煨 羊角腮火煨 新象牙屑烘 三兩

豬懸蹄壳火煨四兩 蟹爪尖炒一兩 蜣螂虫瓦上煨四十九個 刺蝟皮

二張刮去毛 陳松蘿茶葉炒三兩 穿山甲先用醋炒四兩 槐

角子炒四兩 青黛用水淘淨五錢 地榆炒一兩 以上十六味如法

煨煉為細末用黃犬大腸煮爛加煉老白蜜為丸如無

犬腸以豬臟代之亦可空心淡鹽湯送下三錢壯盛者

加或至五錢虛人桂圓湯下

痔漏插藥方 百草霜 黃連各二錢半 冰片五分 麝香二分 蜣

螂虫 旱連草頭五錢炒 螞蝗十五條瓦上焙焦 共為細末

丸如粟米大入管口自進藥三日後待管自化出用長

肉收功未藥 收功未藥方 輕粉 乳香 麝香

韶粉 東丹

血竭 共為末摻之。

又

雄大蜚螂不拘多少。陰乾生研。加冰片少許。將綿紙撚作條。用白芨水蘸溼。曬乾待硬。再蘸溼染藥末於紙條上。量漏孔淺深。插入漸漸生肉。其條自然退出。用剪刀剪去外一段。即滿靨矣。

治痔漏丸方。

刺蝟皮

大者一張小者二張新瓦上炙脆為末

象牙屑

一兩

葶苈粉

一兩

青黛

三錢

槐花末

一兩五錢

陳細茶

五錢

右共為

末。用陳四糙米煮爛飯。和藥打為丸。每服三錢。金銀花湯送下。一料不效。二料永不再發。

治多年頑漏神驗方。

用大腳魚一個。再取上好冰片

三錢。鍾乳石五錢。俱研極細末。放入腳魚口內。放完將腳魚扣住。腳倒掛三四日。待腳魚頭腫大。取快刀殺下頭來。用陰陽瓦兩塊對合。將魚頭裝入瓦內。放炭火上。兩頭將鹽泥封固。瓦上畱一小孔出煙。待煙稍盡。存性。將小孔封固。拿至地上。俟冷。打開。研細。用四五分好酒。送下。病重者兩三服。其管自出。再用長肉藥收功。

治漏疾秘方。

香菜油一觔。以三十歲婦人血餘二兩。

入油內熬煎去渣。每日用油一鍾。煎雞子三枚。將象牙細末三錢。摻在內。淡吃。連吃三五日。或將元米粉。摻象牙屑攤餅吃。亦可。象牙末吃至一二觔。再無不效。此法。

不用刀針掛線。有管自然退出。屢試屢驗。象牙要真。更要新而雪白者。鎊碎再用乳鉢細研。

腸風

治腸風下血丸方

槐花

二兩一半炒
一半曬為末

柿餅

七個
去蒂

烏梅

十四個

共打為丸。桐子大。每日空心滾湯送下。即愈。

又末藥方。

扁栢葉

一觔蜜浸一宿曬乾為末

青州柿餅

一觔炭火煨過

為末

右二味拌勻。每服五錢。空心陳酒送下。極重者五

六服可除根。

治血痔腸風方。

將龜肉煮爛。吃一碗。血即止。其效如神。

治腸風并痔漏。

木耳一觔。煮成膏。再入豬肉三觔。煮

熟食盡即愈。漏管自出。

治痔瘡下血方。

棉子仁

四兩曬乾去油生研

青州柿餅

十二兩蒸搗爛

百草霜

四兩

烏梅肉

四兩蒸爛

共搗為丸。每服三錢。白滾湯

下。或腐漿加青黛少許下更妙。

治腸風下血方。

青州柿餅

三個火煨

地榆

槐米

各炒五錢

共研末分七服。空心開水調服。忌燒酒椒蒜芥。

又

當歸身

一兩

懷生地

一兩竹刀切片烘脆

萸肉

一兩

真阿膠

一兩將石

膏二兩研碎和炒成珠去石膏不用候冷研為細末

棉子仁

一筋燎去外面花衣然後入鍋內炒至逐

粒爆開并至焦黑色存性

真柿霜

即柿餅上白霜也但假者甚多入口甘而涼者為真不可經火俟諸

藥研末後方和入

右逐味炒焦。要如墨色。又各要存性。共研

為細末。和人柿霜拌勻。每日空心服藥末四錢。白滾湯一飯碗。沖和將筋調末。即半浮半沉。連湯飲下。若下血太甚。臨晚再服三錢。俟糞色變黑。血漸止矣。忌食胡椒。燒酒辛熱之物。有此病者。終身宜戒。此方修合之法。不過極細極黑四字。則藥末浹洽於臟腑。所以要黑者。血遇黑而止。以水剋火五行之理也。

治腸風。

臭椿樹根皮

四兩紫為一大把

大茴香

一大粒

木耳

四兩

以雄豬肚子一個。將藥俱裝入肚內。紮好。煮爛。去椿皮。但吃木耳肚子連湯吃完。重者兩料必愈。

治腸風久不愈者。

臭椿樹根皮

烏梅

共煎陳酒

沖服卽愈。

治腸風。青州柿餅一個。內放白蠟一錢。飯鍋上蒸熟。食數次愈。

治大便下膿血。卽日夜數次數年久病皆愈。雄豬

大臟一條洗淨。桂圓肉二兩。鮮鮮白扁荳花四兩。將二味同打爛。用白糯米拌和。裝入臟內。兩頭紮住。砂鍋內燒爛。忌見鐵器。然後將人中白炙脆研末。蘸吃。或醬油蘸吃亦可。不論吃粥吃飯。空口皆可吃。吃四五條卽愈。

治大便下血。葶薺搗汁半鍾。將好酒半鍾沖入。空心溫服。三日卽愈。

治大便下血。用涼藥不效者。用歸脾湯。加槐花黃芩。

治之自愈。

治大便下血。虛弱者。旱蓮草陰乾爲末。以槐花煎湯。

調炒米粉。糊丸。桐子大。每日服五錢。以人參五分煎湯。下二服即愈。

治瀉血。

治瀉血者。瀉血者。不痛而小便出血也。痛者爲血淋。

用頭髮燒灰研末。每服三錢。空心滾酒調下。或用百草

霜酒調服。或用伏龍肝。白滾湯調下。夏月水調。痛者用

車前草。絞取濃汁。碗許。入糖霜一二匙。燉溫服之。此可

多服自愈。初痛時用韭汁亦好。或將亂髮灰糊丸桐子大。每服七十九丸。空心開水下。

治男子莖中痛及婦人血結腹痛。取牛膝一大握。酒

煮飲之立愈。

治小便下血。用清利不效者。用補中益氣湯加車前

子治之自愈。

治小便下血立效。旱蓮草、車前子各等分。將二味

搗自然汁。每日空心服一茶杯。